

LIJE'E SAN PABLO AL TE'A LINI'EPOLA' LAPIMAYE LEFOT'LEPOLTSI LI'YA' CORINTO

1 Iya' ninPablo, Jesucristo
aljoc'ipa ca'ela' lanic' lalapi'ipa.
To'liya iya' nin'apóstol, epaluc
Jesucristo. To'ta'a lixpicepa
ŁanDios. ²Iya' jouc'a łaipima
Sóstenes lini'elhuo', ałnonilhuo'
imanc' lefot'łepolhuo' ŁanDios
jilpe li'ya' Corinto. Imanc' joupa
epenufpolhuo' Jesucristo. To'liya
i'ipolhuo' ixanuc' ŁanDios. Iłque
joupa imetsaicopolhuo' i'huexi.
Jahuay łapimaye nojoc'ipá
Jesucristo, ni petsi lomana', ałnonila'
jouc'a. Małque Jesucristo ałPoujna,
illanc' ihniya.

³iCałAilli' ŁanDios jouc'a
łalPoujna Jesucristo titoc'itsolhuo',
tipac'e'etsolhuo' lołpicuejma'!

⁴Itine itine cax'najtsi'
łainenDios acueca' itoc'ipolhuo',
ipaxnepolhuo' imanc' lepenufpolhuo'
Jesucristo. ⁵Cax'najtsi'i xonca ac'a
loluyalaicopa imanc' lepenufpolhuo'
Cristo. Juaiconapa ac'a loluya'apa
litaiqui'. Ac'a olapenuf'me ihe
lataiqui', ołcuejpa. ⁶To'ta'a
li'ipolhuo' lijoupa lolapenufpa
łal'aiqui' łal'palaicopa Cristo.
⁷ŁanDios ipaxnepolhuo' acueca'.
Jahuay lapi'ipola' lixanuc' joupa

epi'ipolhuo' imanc'. Itsiya oł'huaijma
ticuaiconanni łalPoujna Jesucristo.

⁸Iłque ti'hua titoc'i'molhuo'
aimolanajyacołtsi al c'a cane.
Ticuaiconanni łalPoujna Jesucristo
aimitac'uinyacolhuo' cajunac'.

⁹To'ta'a ti'e'ma ŁanDios. Iłque
tenant'hi litaiqui', aimifellaique.
Joupa ijoc'ipolhuo' tonłejmale'me
hi'Hua, łalPoujna Jesucristo.

¹⁰Unc'aipimaye, caxahue'elhuo'
tołspic'e'le ti'ila' ac'a lołejma',
tetenłcocola' Jesucristo. Camilhuo':
Aimołfuli'i'mołtsi cataiqui',
aimolixtuc'o'mołtsi. Toł'etsołtsi
anuli lołpicuejma', anuli lołtaiqui'.
Aimolanajcona'mołtsi ocuena
ocuena lipicuejma'. ¹¹Unc'aipimaye,
lapimaye nomana' lejut'ł Cloé
tinescolhuo' imanc', ticuayi
tołfuli'iyoltsi cataiqui'. ¹²Joupa
aicuejpa loł'ejma'. Hualca imanc'
tołcuayi: "İllanc' ałcuxenga' Pablo,
iłque lihuejyi". Ocuenaye ticuayi:
"Lihuejyi Apolos". Ocuenaye ticuayi:
"Lihuejyi Cefas". (Iłque aPedro.)
Locuenaye ticuayi: "İllanc' lihuejyi
Cristo".

¹³İtsiya quicuis'elhuo', camilhuo':
¿Te tipa'a axpela' lan Cristo? ¿Te iya'

ninPablo lapałts'ingimpa lancruz?
¿Te iya' naiłonc'e'epolhuo' lołjunac'
imanc'? ¿Te ma mał'huaiyinge
iya' ninPablo epo'icompolhuo'?

¹⁴Cax'najtsi'i ŁanDios iya' nij
naitsi imanc' łainepo'ipa. Ma
le'a nepo'ipola' Crispo y Gayo.
Locuenaye imanc' aicainepo'ila'
iya'. ¹⁵Tołta'a aimi'iya mołnesyacu
imanc': "Iya' nihuequi Pablo, iłque
lapo'ipa". A'i. Nij naitsi nonesya
tołta'a.

¹⁶Łınca nepo'ipola' lapimaye
nomana' lejut'ł Estéfanas. Aicaixina',
aica'nujuaitsi ja'ni nepo'ipola'
ocuenaye o a'i. ¹⁷Cristo lumme copa
cuya'atsi Lataiqui', iłe loya'apa al
c'a lixpice'epa ŁanDios. Aicalu'ic':
"Tapo'iyaletsi". Iya' a'i nincueca'
comxi cataiqui'. Cristo aicałe'e
tołta'a. Ipic'a ti'ila' quıłsina' te
ts'i'ic' al cuecaj li'ipa jıłpe lancruz,
tixingufcołe jıłpe łilunxajma'.

¹⁸Lan xanuc' ts'ıłtaic' liłjunac'
aiquıłcueca li'ipa jıłpe lancruz.
Ticuayi: "Amac'ta cataiqui' iłiya".
İllanc' a'i. ŁanDios alunł'enga',
tołta'a ałsinyi acueca' cataiqui' iłiya,
ałsingufcoyi al cueca' la'eponga'
ŁanDios. ¹⁹Al Paxi Liniłingiya
tuya'e' lo'iya, ticua:

Timana' lan xanuc' nocuapá:
"Acueca' laipicuejma', iya' łınca
aixina'".

ŁanDios ticua: "Iya'
camuc'i'mola' te ts'i'ic'
liłpicuejma', aiquıłsina'".

Jouc'a timana' nocuapá: "Iya'
łınca cacueca'".

ŁanDios ticua: "İłniya
aiquıłcueca, camuc'i'mola'
tołta'a".

²⁰İtsiya, ¿te qui'ipola' nocuapá:
"Acueca' lałpicuejma'"? ¿Te
qui'ipola' iłniya nipa'acopá liłjuac
lan tsilaj cataiqui', iłne lomxiye
cataiqui'? ŁanDios joupa imujpa
iłne aiquıłsina'. Liłtaiqui' tipa'acoyi
małpe liłpicuejma' pangay camac'ta
cataiqui'. ²¹Jifa'a li'a łamats'
lan xanuc' naihuejpa' quıłtuca'
liłpicuejma' tama tocomma acueca'
liłpicuejma' iłniya aiqulimetsaijma
ŁanDios. İłque łınca acueca'
lipicuejma', tołta'a ixpic'epa
tunł'etsola' lan xanuc' nepenufpá
lataiqui' laluya'apa. İe tocomma to
lamac'ta cataiqui', tinescojma li'ipa
jıłpe lancruz.

²²Lan judío ticuayi: "Ti'ełta' al
cueca' ŁanDios, ałsınłe illanc',
tijoułta' ał'huaiyijm'me". Lan griego
ticuayi: "Ałsınłe, ałquimf'ełe
anuli ts'acueca' lipicuejma',
acueca' quitaiqui' loya'apa, tijoułta'
ał'huaiyijm'me". ²³İllanc' ma'
ałnescoyi Cristo, iłque łummepa
ŁanDios. Luya'ayi: "İłque
łepałts'ingimpa lancruz". Licuejpa
tołta'a lan xanuc' judío ixtulencia.
Ticuayi: "Ja'ni łepałts'ingimpa
lancruz aicummaic' ŁanDios". Petsi
a'ij judío, iłne lan griego, tetets'iyi
laluya'apa, ticuayi: "Amac'ta
cataiqui' iłiya". ²⁴Petsi lojoc'ipola'
ŁanDios, ja'ni ajudío, ja'ni agriego,
iłne łınca timetsaicoyi Cristo
łummepa ŁanDios. Jıłpe iximpá
al cueca' lo'epa ŁanDios, iximpá
acueca' lipicuejma'. ²⁵Liximpá
li'ipa Cristo jıłpe lancruz, lan
xanuc' ticuayi: "ŁanDios ailopa'a
quipicuejma', ailopa'a co'eya". A'ij
łınca iłta'a locuapa. Xonca acueca'

lipicuejma' ÆanDios, xonca acueca' lo'epa.

²⁶Unc'aipimaye, imanc' lojoc'ipolhuo' ÆanDios, tolimetsaicoyoŋtsi te ts'i'ic' mołmana'. Imanc' a'i cunc'itsila' xanuc'. Ma le'a oquexi' afantsi imanc' acueca' lołpicuejma'. Ma le'a oquexi' afantsi ti'hua lołmane, tołcuxeyi. Ma le'a oquexi' afantsi loł'aillí ts'i'hueca, acueca' quif'huexi. ²⁷ÆanDios ixpic'epa tulijtsola' iłniya nocuapá: “Iya' aixina', acueca' laipicuejma'”. Tołiya i'huij'epolhuo' imanc' petsi a'ij cueca' cołpicuejma', epi'ipolhuo' lołpicuejma' ti'ila' acueca' cołsina'. Ma' anuli ixpic'epa tulijtsola' nocuapá: “Acueca' ti'hua laimane, acueca' laif'eya’”. I'huij'epolhuo' imanc' petsi aimi'hua cołmane, ailopa'a al cueca' lołeyacu. ²⁸Ixp'ic'epa tulijtsola' lan tsilaj xanuc', iłne limetsaiconnila' fa'a li'a łamats'. Imanc' joupa ti'onłcospolhuo' to ninaitsi xanuc', etets'impolhuo', tocomma aimołmana' fa'a li'a łamats', ÆanDios i'huij'epolhuo', timetsaico'molhuo'. Iłne lan tsilaj xanuc' aimimetsaiconyacola' tołta'a. Tejac'e'mola'.

²⁹Aimi'iya małnesyacu: “ÆanDios ałsimpa nincuecaj xans, tołiya lapenufpa”. A'i. Nij naitsi nonesya tołta'a. ³⁰Imanc' cołtuca' aicol'pic'e. Ma ÆanDios ixpic'epa tepenuftsolhuo' Jesucristo. Małque ÆanDios ipo'nopa Cristo ałmuc'itsonga' te ts'i'ic' al cueca' lipicuejma' ÆanDios. Ja'ni a'łhuaiyijnyi Cristo ÆanDios lapenufinga' to ailopa'a całjunac'. Iłque Cristo a'ł'e'eponga' i'huexi

ÆanDios. Joupa i'najtsepa lałjunac'. ³¹Tołta'a tenant'li loya'apa al Paxi Linil'ingiya, ticua: “Ja'ni topalaıta' al c'a li'ipo', ne', toya'ala' al cueca' li'epa lałPoujna’”.

2 Unc'aipimaye, li'ipa małmana' anuli iya' aicai'e'e'moxi. A'i nomxi cataiqui'. Aicai'aic' to tocomma acueca' laipicuejma', le'a nu'i'molhuo' Lataiqui' loya'apa lo'epa ÆanDios. ²Joupa aixpic'epa te ts'i'ic' lo'ya lai'ejma'. Cacua: Ma capa'a liłya' Corinto ca'nujuais'ma ma le'a Jesucristo, iłque łepałts'ingimpa lancruz. Capalaico'ma iłque. ³Laicuaitsi jilpe lołpiłya' tocomma ałmajaiquemma. Laipicuejma' cacua: ¿Te całiya? Tiyu caxpaiqui' laicuerpo. ⁴Imanc' ałsimpa a'ij cueca' laipicuejma', a'ij cueca' laitaiqui', laifpalaipa. Ołsimpá ma le'a al cueca' lo'epa cal Espiritu Santo. Iłne łınca ołsimpá. ⁵Tołta'a aical'huaiyinge iya'. Aicołnesqui: “Acueca' lipicuejma' Pablo”. Imanc' ma' o'łhuaiyijmpá ÆanDios, tołcuayi: “Acueca' lo'epa iłque”.

⁶Łınca tipa'a lataiqui' xonca acueca', ipime. Iłne lataiqui' camuc'ila' lapimaye ts'iłpicuejma', iłne ticuec'eyi, aimi'onłcospola' to la'uhuay.

Iłne laifnuya'apa ituca' cataiqui', a'i to liłtaiqui' lopalaipa iłne naihuejpa' quilituca' liłpicuejma'. Iłne laifnuya'apa jouc'a a'i to liłtaiqui' lan tsilaj quincuxepá, iłniya petsi ÆanDios tijou'ne'mola'. ⁷Lataiqui' laifnu'iyalepa tuya'e' al cueca' lixp'ic'epa ÆanDios, tocomma emiya cataiqui'.

Lipangopa li'a łamats' ÆanDios joupa ixina' lo'eya, joupa ixpic'epa

lo'iya. A'le'e'monga' pangay c'a
la'picuejma', ti'ila' to lipicuejma'
ŁanDios, a'łaitzufcotonga'.

⁸Lincuxepá nomana' fa'a li'a łamats'
aiquilsina', aiqilcúeeca tołta'a
lixpic'epa ŁanDios. Ja'ni coła' ihsina'
aimepałts'ijnyacu łalPoujna, iłque
ma' anDios. ⁹Ma' al linca loya'apa al
Paxi Linilingiya, ticua:

Lan xanuc' aiquirehuelojm'ma
li'lu', aiqilquimf'ejma
liłs'mats'!

Jilpe liłpicuejma' aiqiltsina' te
ts'ic' li'hueca ŁanDios.

ŁanDios joupa ilanc'epa,
tepi'i'mola' lixanuc', ilne
no'epá capic'a ilenDios.

¹⁰Illanc' linca ałsina'. ŁanDios joupa
ałmuc'iponga'. Cal Espíritu Santo
alu'iponga'. Iłque cal Espíritu ixina'
lipicuejma' ŁanDios, ixina' jahuay
xonca lipime, ixina' xonca lemiya.

¹¹Anuli cal xans, ¿te ja'ni ixina' te
ts'ic' lipicuejma' li'fas xans? A'i. Ma
le'a ixina' te ts'ic' mixpic'e quituca'
lipicuejma'. Jouc'a ŁanDios, ma le'a
hi'Espíritu, iłque cal Espíritu Santo,
ixina' te ts'ic' lipicuejma' ŁanDios.

¹²Illanc' lapenufpá cal Espíritu
Santo, łalapi'iponga' ŁanDios. A'i
calapenufi łocuenaj espíritu, iłque
nocuxepola' lan xanuc' naihuejpá
liłpicuejma'. ŁanDios ipic'a ti'ila'
całsina' te ts'ic' łalapi'iponga',
tołiya lapi'iponga' cal Espíritu Santo.
Iłque ałmuc'inga'.

¹³Lalu'ipola' lapimaye, ile
lałtaiqui', aimalipa'acoyi całtuca'
la'picuejma'. Małque cal Espíritu
Santo ałmuc'inga' te ts'ic'
lałpalaicoyacu. Iłe lonespa cal
Espíritu Santo ałmuc'ila' lapimaye,
ilne pe joupa nepenufpá iłque

cal Espíritu, tihuejcoyi. ¹⁴Anuli
cal xans ja'ni aiquepenufi cal
Espíritu Santo aimicueca te ts'ic'
malapi'inga' cal Espíritu. Jahuay
ihiya tixina to amac'ta cataiqui'.
Aimi'iya mihuic'iya. Ma le'a cal
Espíritu Santo ti'i'ma timuc'i'ma.
¹⁵Ja'ni joupa mepenufpa cal
Espíritu Santo jahuay ihiya tocuca.
Cal Espíritu timuc'ihuo'. Linca,
lan xanuc' tixinghuo' ocuena
lopicuejma', aimicuec'ehuo',
aimixingufhuo'. ¹⁶Aimi'iya
mixingufyaco'. El Paxi Linilingiya
ticua:

¿Te ja'ni tipa'a naitsi niximpa te
ts'ic' lipicuejma' ŁanDios?

¿Te ja'ni ti'i'ma timuc'i'ma
ŁanDios?

A'i aimi'iya.

Illanc' la'picuejma' i'ipa anuli
lipicuejma' Cristo. Tołta'a
aimałcuc'enyaconga'.

3 Unc'aipimaye, lałmajmpá anuli
jilpiya aicaimuc'ilhuo' lipime
cataiqui'. Aiqui'ic'. Tocomma afule
molihuejyi Cristo. Aimolihuejyi cal
Espíritu Santo. Xonca tolihuejyi
cołtuca' lołpicuejma'. Aiximpolhuo'
ti'onłcospolhuo' to la'uhuy. ²Tołiya
iya' laites'mipolhuo' ti'onłcospa
to aleche a'i quixic'. Cagua:
Laimuc'ipolhuo' a'i quipime cataiqui',
pangay aiquipime.

Iłniya łitiné aiqui'ic' colihuc'i
lipime cataiqui', itsiya jouc'a
aimi'iya. ³Ma' itsiya tolihuejcoyi
cołtuca' lołpicuejma'. Toł'ejcoyołtsi
laic'. Tołfuli'icoyołtsi. Tolanajyołtsi,
anuli anuli ti'hua lipene. ¿Te ja'ni
tołta'a tolihuejcoyi cal Espíritu
Santo? Tołta'a li'ejma' iłniya pe
aiquilepenufi cal Espíritu Santo.

⁴Hualca imanc' tołcuayi: “Illanc' lihuejyi Pablo”. Hualca tołcuayi: “Illanc' lihuejyi Apolos”. Mi'i tołta'a loł'ejma' linca tolihuejcoyi cołtuca' lołpicuejma'.

⁵Iya' ninPablo, ¿naitsi iya'? Apolos, ¿naitsi itque? Illanc' ma le'a ninc'ixanuc', ał'eyi lanic' lalapi'iponga' ŁanDios. Aluya'ayi litaiqui' ŁanDios. Imanc' oł'huaiyijmpá itque. Anuli anuli tip'a'a lałpenic' lalapi'iponga' ŁanDios. ⁶Iya' aifapa, Apolos ic'ejpa, ŁanDios itoc'epa. ⁷Illanc' ałfapá, ał'ejpá, a'ij cueca' iłe lanic'. Al cueca' xonca loł'epa ŁanDios Notoc'epa. ⁸Ja'ni ałfayi, ja'ni ał'ejyi, ma' anuli ał'eyi lanic' lalapi'iponga' ŁanDios. Tijoułta' anuli anuli lulij'me lalapi'iyaconga' ŁanDios. Ituca' ituca' lalapi'iyaconga' ma to lałpenic' lał'epa.

⁹Ał'eyi canic' anuli ŁanDios. Imanc' ti'onłcospolhuo' to quequeya ŁanDios. Ti'onłcospolhuo' to lajut'ł lolanc'epa ŁanDios. ¹⁰ŁanDios lapi'ipa laipenic', cuya'atsi litaiqui' Jesucristo. Tołta'a jilpe lai'epa ti'onłcospa to loł'epa łomxi canic' ts'ixina' loł'eya tilanc'ełá' al c'a cajut'ł. Tocomma to aipupa camats', aipo'nopa lopo'nof'inyacu łaitał. Itsiya ocuenaye tuyai'eyi łaitał. Camila' iłniya: “Tołpo'nołe cuenna te ts'i'ic' lonł'eyacu. ¹¹Ne', tolyuai'etsa łaitał. Aimołpo'nocona'me lopo'nof'inyacu łaitał. Iya' joupa aipo'nopa, itque Jesucristo. Ailopa'a cocuena.”

¹²⁻¹³Ticuaitsi al Cuecaj Quitine ti'huájta acuajmaica te jale lanic' li'epa iłne nolanc'epá łaitał. Jilpe litine tiłic'eyo'ma cunga. Łunga

tuyaico'ma jahuay, hualca tipi'e'ma nulemma, hualca tipanehuo. Tołta'a ti'huájta te lilanc'ecompa liłpitał, ja'ni a'oro, aplata, apic' juaiconapa ipitali, o ja'ni a'ec, ajaxa, apajac.

¹⁴Cal xans ja'ni tipanehuo łaitał lipo'nof'ipa, itque tulij'ma lalapi'iya ŁanDios. ¹⁵Ja'ni tipila' nulemma ailopa'a capenufya. Tope tope tipanehuo. Jahuay li'epa tejac'ma. Ma to afule munłu'enyacola' lan xanuc' mipila' liłejut'li, toliya afule munłuya itque.

¹⁶Imanc' nolafot'łepołtsi jilpe, ¿ja'ni aicołsina' ti'onłcospolhuo' to ejut'ł ŁanDios? Jilpe tipanga cal Espiritu Santo. ¹⁷Cal xans najac'eya lejut'ł ŁanDios, małque ŁanDios tejac'e'ma itque cal xans. Iłe lajut'ł apaxi, ma i'huexi ŁanDios. Imanc' nołmana' ejut'ł ŁanDios, imanc' i'huexi itque.

¹⁸Imanc' aimołfel'mi'mołtsi. Aimoł'onłico'mołtsi to lan xanuc' naihuejpá quilituca' liłpicuejma'. Aimołnes'me: “Joupa aixina'. Acueca' laipicuejma'.” Ja'ni tonesqui tołta'a najmay taimetsaico'moxi mamac'ta. Tołta'a tapenuf'ma copicuejma'.

¹⁹Iłne naihuejpá quilituca' liłpicuejma' tama tocomma acueca' quılısina', ŁanDios tixinnila' amac'ta. Tołta'a loya'apa al Paxi Linilngiya, ticua:

Iłne petsi acueca' liłpicuejma' linca iłsina' lixcay.

Ma mi'eyi iłe lixpice'epa, ŁanDios tic'aił'mola'.

²⁰Jouc'a tuya'e':

ŁanDios ixina' te ts'i'ic'

liłpicuejma' iłne nocuapá: “Iya' aixina'”.

Tixinnila' ailopa'a al c'a loł'eyacu.

²¹Itsiya imanc' aimoñnescona'me: "Iñque cal xans tipa'a xonca acueca' lipicuejma', iñque nañcuxepa, quihuej'ma". Hñiya loñpomxiye lepi'icopolhuo' Ñandios titoc'itsolhuo'. ²²Iya' camilhuo': Imanc' ja'ni ałpalajma iya' ninPablo, o toñpalaicoyi Apolos, o Cefas (iñque aPedro), o toñpalaicoyi li'a ñamats', o lapajnya, o lamaya, o lopa'a itsiya, o lo'iya locuaicoya quitine, toñnujuaitsa Ñandios epi'icopolhuo' jahuay iña'a titoc'itsolhuo', a'i micuxeyacolhuo'. ²³Linca tipa'a Nocuxepolhuo', iñque Cristo. Mañque Cristo tipa'a nicuxepa, iñque Ñandios.

4 Ma Cristo lummeponga' ałtoc'itsolhuo' imanc'. Iñe lañpenic'. Camilhuo': Limetsaicotsonga'. Ñandios lapi'iponga' lañmane lu'itsola' lan xanuc' litaiqui', iñe xonca lemiya, luhuałc'e'e'mola'.

²Ja'ni tepi'ine cal xans lipenic' ticuicomma tenant'iña' iñe lanic' lapi'impa. ³Itsiya, ¿te co'ya? ¿Te ja'ni imanc' ti'i'ma ałmi'ma te ts'i'ic' laif'epa iñe laipenic', ja'ni ac'a o a'ij c'a? O ¿tipa'a anuli cal juez fa'a li'a ñamats' ti'i'ma ałmi'ma toñta'a? A'i, aimi'ya. Ni iya' caituca' canescoyacoxi ac'a laif'epa. ⁴Tama iya' caituca' caxina ac'a laif'epa laipenic', aicaixina'. Le'a Ñandios ixina' iña'a. Ma' iñque lu'i'ma.

⁵Aimoñnescona'mola' loñpimaye, ja'ni ac'a o a'ijc'a lo'epa. Toñhuaicoñe ticuaicoconno ñañPoujna. Fa'a li'a ñamats' ti'onłcospa to lipuqui'. Axpe' aiqiu'huáqui. Iñque ñañPoujna tepalc'o'i'ma jahuay. Aimi'ya memiconaya, jahuay tixinim'me.

Jahuay lixpic'epa lan xanuc' jilpe hilunxajma' tixinim'me. Ja'ni ac'a a'epá lañpenic' ma Ñandios lu'i'monga'. Anuli anuli ałmi'monga'.

⁶Unc'aipimaye, ja'ni iya' camilhuo': "Toñe toñe la'ejma' iya' y Apolos", ma le'a aipic'a toñta'a camuc'itsolhuo' aimoñcuxecona'moñtsi coñtuca', aimoñmicona'moñtsi: "Nij naitsi nañcuxeyaconga' illanc'", aimoñfuli'icona'moñtsi. Aimolahuecona'me te co'ya molulijcoyacoñtsi.

⁷Ima', ¿te aimi'onłcospo' lopimaye? ¿Te xonca ts'o'hueca? Ja'ni o'hueca, ¿naitsi lepi'ipo'? Ja'ni Ñandios Nepi'ipo', ¿te coñof'ecopoxi? Tocomma coñuca' ima' mepi'ipoxi.

⁸Imanc' tocomma ixhuaita loñpicuejma'. Ailopa'a cahue'epolhuo'. Ti'i'ma toñcuxe'moñtsi coñtuca' imanc', latets'inga' illanc'. ¿Te toñcuayi: "Joupa lulijpá. Aimañtoc'icona'monga'"? Iya' cacua: iCoña' olulij'me! Toñta'a illanc' jouc'a lunxaj'me.

⁹Illanc' ninc'apóstole tocomma Ñandios ałpo'noponga' fa'a li'a ñamats' to ninaitsi xanuc'. Fa'a latets'ininga' to latets'impola' lan xanuc' no'epá acueca' lixcay, iñe ma le'a iñ'huaijma titeñmintsola', tima'am'mola'. Ma le'a lixoconga' illanc'. Lapaluc' nomana' lema'a jouc'a lan xanuc' nomana' fa'a li'a ñamats' lahuelonginga' lañiyaconga'.

¹⁰Imanc' moñ'huaiyijnyi Cristo toñsinyoñtsi acueca', ac'a loñpicuejma'. Illanc' aimañnescoyacoñtsi toñta'a. Mañeyi lanic' lalapi'iponga' Cristo, lan xanuc' añnescoponga', ticuayi: "Iñe

amacta". Imanc' nipajnya toľ'e me al cueca', illanc' a'i. Nij tints' mi'ya maľeyacu. Imanc' timetsaicolhuo' lan xanuc', tixpaic'elhuo'. Illanc' a'i. Latets'ininga'. ¹¹Illanc' ti'hua aľteľcoyi, lunle'eyi, lahue'enga' caľsnayacu, lahue'enga' caľpijahua', luntafquina', ailopa'a calajut'ľ, ma le'a aľlocoyi. ¹²Aľecoyi canic' laľmane', acueca' quixoqui.

Ja'ni aľmiloquina' cataiqui', aľpaxnela'. Ja'ni lihuetsoquina', aľsnet'iyi. ¹³Ja'ni aľnesonga' quixcay, aľtalai'e'mola' al c'a. Illanc' a'ľonhicoponga' to cal cueca' ľifuc, iľpic'a ma ľifonc'etsonga' nulemma. Toľta'a aľ'e'enga'.

¹⁴Laifpalaic'opolhuo' toľta'a aicatalehuo'. Caxinnilhuo' to cainaxque', ma le'a caxc'ai' ilhuo'.

¹⁵Imanc' tama ti'ľa' axpela' loľpomxiye, tixhuaispola' to imbamaj mil, a'ľjxpela' loľaillí. Ma le'a iya' coľailli'. Iya' ma' ca'ay lanic' lalapi'ipa Cristo, nu'ipolhuo' Lataiqui' loya'apa iľe al c'a lixpice'pa ԷanDios. Imanc' olapenufpá, i'ipolhuo' ainaxque'. ¹⁶Iya' to oľailli' caxa'huelhuo', camilhuo': Lihuejla' iya' lai'ejma'.

¹⁷Toľta'a tu'itolhuo' Timoteo. Iľque ai'hua, aipic'a. Էinca tihuequi ľaľPoujna. Cumme'ma ti'huaľa' pu'huanni tixintsolhuo', ti'nujuaits'i'ťsolhuo' te ts'i'ic' cainihuequi Cristo, te ts'i'ic' lataiqui' laifmuc'ipola' lapimaye ni petsi laľoťyomma.

¹⁸Jiľpe hualca ti'e'eyoľtsi, ticuayi: "Iľque Pablo aimicuaiya fa'a. Illanc' aľsina' laľepa." ¹⁹Iya' ja'ni ipic'a ľaiPoujna Jesucristo aimacoľya, ca'hua'ma jiľpiya. Cacuaitsi

caxinnola' te ts'i'ic' lo'epa iľniya no'e'epoľtsi. Iľne ľinca acueca' locuapa. Caxinnola' ja'ni acueca' ac'a lo'epa. ²⁰Petsi ԷanDios ticuxe a'i ma le'a mipaloľaiyi, jouc'a ti'ľma acueca' ac'a lo'epa.

²¹Itsiya, źte ts'oľpic'a? źCacuaitsi quixtu'hua cataletolhuo'? O źcacuaitsi tixoqui neta, cahuejntolhuo', capalaic'otolhuo' al c'a? Imanc' coľtuca' toľsim'me.

5 Iya' acuejpa lopalaicompolhuo' imanc'. Pe loľmana' tipa'a anuli ixcay lo'epa. Lan xanuc' pe aimimetsaicoyi ԷanDios aimi'eyi to lo'epa iľque. Joupá ilecopa ľihuomi'máma'. ²Imanc' aimoľsueľmot'ľeyi, ti'hua toľnescoyoľtsi: "Illanc' xonca ac'a lihuejyi". Coľa' olipa'a'me iľque ni'epa lixcay.

³Iya' tama jifa'a capa'a, tocomma ma' anuli to jipu'hua aľmana'. Iya' joupá aixpic'epa laľ'e'yacu iľque cal xans ni'epa iľe lixcay.

⁴Tolafot'ľetsoľtsi toľ'etsa ma to laľcuxe'eponga' ľaľPoujna. Imanc' jiľpiya loľmana'. Iya' tama capa'a fa'a, laipicuejma' ti'hua'ma pu'huanni, toľta'a ti'ľma to laľot'ľeyoľtsi anuli. Jiľpe ti'hua'ma acueca' limane ľaľPoujna Jesucristo. ⁵Toľiya laca'nico'me iľque cal xans, aľcu'me ticuaitsi limane Satanás, titeľmiľa'. Titeľcoľa' licuervo aimixahue'econa'ma lixcay. Tunľuľa' ľi'alma litine ticuaiyunn' ľaľPoujna Jesús.

⁶Imanc' ti'hua tixoqui cunlata, tocomma coľa' ailopa'a tints'. A'ľjc'a iľe loľ'ejma'. źJa'ni aicoľsina' lo'eya tuľcanni cal levadura ľohuants'impá ľax'e? Tama tucanni

titoj'ma jahuay łax'e. ⁷IŁe lixcay lonł'ejma' ti'onłcospa to cal levadura, tonlaca'nite. Ti'itsolhuo' to cal ts'e harina łax'e pe ailopa'a qui'ic'. Ła'i łolanc'ecompa cal ts'e harina łax'e titejn-ni al juic Pascua. Jiłpe al juic ti'nujuaitsinni li'epa ŁanDios litine lunłu'epola' lixanuc', iłniya lijoupa ima'apá łaca'huaj moł. Illanc' ał'nujuaisyi hiMoł ŁanDios, joupa ĩima'ampa, iłque Cristo.

⁸Ał'nujuaitsa iłque, tołta'a ał'e'me juic. Jiłpe al juic aimixinim'me iłque cal levadura. Laifnescopa "cal levadura", canescojma lixcay. Cacia: Aimał'e'me lixcay. Aimałnescocona'mola' quixcay lałpimaye. A'i ma le'a mał'e'e'mołtsi to lan c'a xanuc', al ĩinca ał'itsonga' ac'a lałpicuejma'.

⁹Laininił'epolhuo' aimipolhuo': "Tolanajtsołtsi iłne no'epá al xujc'a. Aimołejmale'me iłne pe noxhuicopá ocuenaye cacał'no' a'i quiłpenoye." ¹⁰Laimipolhuo' tołta'a aicapalaicocola' lan xanuc' pe aimimetsaicoyi ŁanDios. ĩinca iłniya tixhuicoyi lacał'no', tijanajyi ĩił'huexi ĩił'as xanuc', tifel'miyaleyı, texic'eyaleyı ĩił'as xanuc', texc'onłingolaiyi landiosla'. A'i camiyacolhuo' tolanajtsołtsi iłniya. Ja'ni tołta'a lonł'eyacu tolipalcu nulemma jifa'a li'a łamats'. ¹¹Iya' canescola' lił'ejma' lapimaye. Camilhuo' lonł'eyacu ja'ni anuli łolpima tixhuijma ocuena caca'no' a'i quipeno, ja'ni tijanaca ocuenaj 'huexi, ja'ni texc'onłingai'ila' landiosla', ja'ni tinesc'ela' cataiqui' lapimaye, ja'ni isna, ja'ni tifel'mila' lipimaye mexic'e'ela' ĩiłtomı. Camilhuo': Ja'ni tołta'a lił'ejma'

anuli łapima tolanajtsołtsi, ni aimołtetsome anuli iłque.

¹²⁻¹³Iłniya pe a'i całpimaye, ¿ja'ni iya' iłjuez? ¿Ja'ni cateł'mi'mola' iłniya? A'i. Ma ŁanDios iłjuez iłne. Lołpimaye nomana' ĩiłpiya, imanc' ti'hua lołmane ti'ima tołteł'mi'mola'. Iłque ni'epa lixcay, tolipa'ate.

6 ¹⁻²Imanc', ja'ni ticuicomma tixanutsi lataiqui', ¿te cołpalaic'ocopola' ts'iłpenic', iłne pe aimimetsaicoyi ŁanDios? ¿Te ja'ni aimołsinyi calaic'ata? Aimoł'econa'me tołta'a. Imanc' i'huexi ŁanDios. Małpiya pe lomana' lołpimaye tołxanu'etsoltsi lołtaiqui'. Imanc' illanc' i'huexi ŁanDios. ¿Ja'ni aicołsina' te ts'i'ic' laluyalaicoyacu? ŁanDios lapi'ĩmonga' lałmane, ał'ĩmonga' iłjuez lan xanuc', iłne pe aimimetsaicoyi ŁanDios. Locuaicoya quitine, ja'ni tołta'a acueca' ti'ima loł'eyacu, itsiya litine, ¿te aimi'ıya monł'eyacu iłe a'ij cueca'? ³¿Te aicołsina' lo'ıya Locuena Quitine? ŁanDios ałpo'no'monga' iłjuez lapaluc' quema'a. Itsiya litine, ¿te aimi'ıya mołsanuyacu iłe lo'ipolhuo' jifa'a li'a łamats'?

⁴Ma muluyalaicoyi lapajnya ja'ni tipa'a lo'ipa ĩiłpiya pe lolafot'leyopoltsi, najmay tołnanc'otsola' ma lołpimaye, iłne tixanułe lataiqui', tama tocomma nij naitsi xanuc' iłniya. ⁵Camilhuo' tołta'a aipic'a tołsintsoltsi te ts'i'ic' loł'ejma', tołsinłe calaic'ata. Jiłpe, ¿ja'ni ailopa'a ni' anuli łapima ts'ixina'? ¿Ja'ni ailopa'a ni' anuli ti'ima ti'e'ma tixanu'e'mola' ĩiłtaiqui' lipimaye? ⁶Tocomma to ailopa'a. Tołıya lapimaye ticuxecoyoltsi,

tiyeyi pe lomana' lan juez, itne pe aimimetsaicoyi ÑanDios.

⁷ Ñinca ma moñfuli'iyotñsi, moñcuxecoyotñsi timenaquilhuo' juaiconapa. Xonca ac'a lonf'eyacu ja'ni toñsnet'l'me lo'ipolhuo'. Ja'ni a'ijc'a lo'epolhuo', ja'ni ifel'mipolhuo', aimolixtuc'o'moltsi. ⁸ Imanc' ituca' lo'fejma'. A'ijc'a lonf'epola' loñpimaye, ofel'mipola'. Tama oñpimaye toñta'a lonf'epa.

⁹ ¿Te aicoñsina' lo'iyacola' itne no'epá al xujc'a? Aimitsuflaiyacu pe locuxeyopa ÑanDios. Imanc' aimofel'mi'moltsi. Aimotñcua'me: “Tama toñiya laiñ'epa catsufaita”. Itne nahuepá cacañno', jouc'a naxc'onñingoñapá landiosla', jouc'a noxhuicopá ocuenaye cacañno', a'i quiñpenoye, jouc'a lan xanuc' no'e'epotñsi to lacañno', jouc'a nonangoñaipotñsi liñ'as xanuc', ma to li'epa lan xanuc' jiñpe liñya' Sodoma, ¹⁰ jouc'a nonantsepá, jouc'a nojanajpá toñcuenaj 'huexi, jouc'a noxnatsaipá, jouc'a nopalaicopá quixcay, jouc'a nofel'miyalepá mulijyi acueca' quiñtomí, jahuary itñiya ÑanDios aimepi'iyacola' lane, aimitsuflaiyacu pe locuxeyopa.

¹¹ Ñinca, li'ipa toñta'a lonf'epa hualca imanc'. Itsiya a'i. Joupa oñnespá: “Ca'huaiyinge Jesús, itñe aiPoujna”, joupa epo'impolhuo', i'e'epolhuo' limpio, olapenufpá cal Espíritu Santo. Toñta'a i'ipolhuo' i'huexi ÑanDios. Itñe tepenuñilhuo' to ailopa'a coñjunac'.

¹² ¿Te ja'ni anuli ticua: “Típa'a lane. Jahuary ti'ima ca'e'ma.”? Ñinca jahuary ti'ima a'e'me. A'i jahuary metenñococoya. Cagua: Ja'ni ti'ima luliñma, ite aica'eya.

¹³ Tinesyi: “ÑanDios ilanc'epa lañcu'u ti'ñijmaispa lañtejacu. Jouc'a ilanc'epa lañtejacu ti'ñijmaitsi lañcu'u.” Ñinca ma mañmana' fa'a li'a lamats' ti'hua ti'ñijmaita lañcu'u lañtejacu. Ticuaitñi Locuena Quitine itñiya lañcu'u ailopa'a, jouc'a lañtejacu ailopa'a. Toñta'a lixpíc'epa ÑanDios. ¿Te ÑanDios lapi'iponga' lañcuerpo lahuecotsola' lacañno'? A'i. Lapi'iponga' a'e'ete lanic', ite lalapi'iponga' lañPoujna. Itñe iPoujna lañcuerpo jouc'a. ¹⁴ ÑanDios joupa imañ'i'ina pa lañPoujna Jesucristo. Toñta'a añsim'me al cueca' lo'eya ÑanDios. Añmañ'i'ina'monga' jouc'a lañcuerpo.

¹⁵ Lañcuerpo joupa i'ipa i'huexi Cristo, tocommá to limane', li'mitsi' itñe. ¿Te aicoñsina' itñta'a? ¿Te liñonc'e'e'me hi'huexi lañPoujna Jesucristo? ¿Te lapi'i'me anuli lacañno' notepa licuerpo? Itñe tixhuico'ma ma to mijanaca. A'i, aimi'iya. ¹⁶ Lan xanuc' lacañno' ja'ni joupa ejonñipotñsi i'epotñsi anuli. Jouc'a ma' anuli cal xans tejonñixoxi lacañno' notepa licuerpo, ti'i'mola' anuli itñiya. ÑanDios ticua: “Loquexi' tejonñi'moltsi, ti'i'ma anuli liñcuerpo”. ¿Te aicoñsina' itñta'a? ¹⁷ Jouc'a cal xans itñejmale lañPoujna Jesucristo, itñe y lañPoujna i'ipotñsi anuli, anuli liñpicuejma' itñiya.

¹⁸ Toñpo'noñe loñpicuejma', aimoñnoñmola' lacañno'. Tolinuc'etsola' itñiya. Ticuanni: “Ja'ni a'ijc'a lañ'epá ailopa'a co'iya lañcuerpo, toñe añmanecu”. Iya' camilhuo': A'i. Naitsi no'noñpa ocuena cacañno' tixis'mecoyoxi, titeñmiyoxi quituca', tecani'e licuerpo. ¹⁹ ¿Te aicoñsina' loñcuerpo

ti'onłcospa lajut'ł pe lopa'a ŁanDios? Jiłpe tipa'a cal Espřitu Santo, iłque łumme'epolhuo' ŁanDios. Itsiya aimi'iya mołcuxeyacołtsi cołtuca'.

²⁰Acueca' li'najłsecopa ŁanDios, tołta'a i'epolhuo' i'huexi. Jiłpiya lołcuerpo tołs'najłtsi'ile ŁanDios. Ton'ete ma le'a latenłcocoya.

7 ¹⁻²Itsiya quini'elhuo', catalai'e'elhuo' lalicuis'epa jiłpe lołje'e. Licuis'epa, ałmi ja'ni ac'a loxpice'epa anuli cal xans nonespa: "Iya' capajm'ma caituca'. Aicahueya caipeño." Ne'. Tama ac'a loxpice'epa iłque cal xans, najmay lan xanuc' anuli anuli temallite. Jouc'a lacał'no' anuli anuli temallite. Tołta'a aimi'eyacu nixpiya.

³Cal xans aimicuanaj'moxi, ti'e'exoxi anuli hipeno. Jouc'a łaca'no' aimicuanaj'moxi, ti'e'exoxi anuli hipe'ailli'. ⁴Aimines'ma łaca'no': "Laicuerpo ai'huexi. Ja'ni aipic'a ca'e'e'moxi cuenna." A'i. Licuerpo łaca'no' i'huexi hipe'ailli'. Jouc'a cal xans aimines'ma:

"Laicuerpo ai'huexi. Ja'ni aipic'a ca'e'e'moxi cuenna." A'i. Licuerpo cal xans i'huexi hipeno.

⁵Imanc', aimołcuanac'e'mołtsi. Ma le'a tołcuanac'e'mołtsi ja'ni tołspic'ete loquexi' imanc'. Ja'ni tołnesle: "Alanajle oquej afane' quitine, ałsnet'He, apalaic'o'me ŁanDios. Muyaipá iłne łitiné ał'e'e'mołtsi cuenna." Ja'ni tołta'a ołspic'epá, ne', toł'e'etsołtsi cuenna. Tuyaił'a iłne oquej afane' quitine tonł'e'econatsołtsi anuli. Ja'ni a'i aimołsnet'lyacu. Tijouł'a łonta'a Satanás tehuai'molhuo'.

⁶He laitaiqui' laifmipolhuo': "Anuli anuli cal xans temaneł'a",

aicacuxe'elhuo' tołta'a. Ma le'a camilhuo': Tipa'a lane ti'ila' tołta'a lonł'eyacu. ⁷Iya' xonca aipic'a timajñle quilltuca' lan xanuc', ał'onłcota to iya'. Iya' capa'a caituca'. Tama tołta'a laifcuapa hualca aimi'iya mi'eyacu. Ituca' ituca' lapi'iponga' lał'ejma' ŁanDios. Anuli ti'i'ma tixnet'ł'ma, łocuena aimi'iya mixnet'łya.

⁸Imanc' pe aiconlamalliyi, jouc'a ja'ni apotsateya cacał'no', iya' camilhuo': Tołmajñle cołtuca', ma to iya' capa'a caituca'. Tołta'a xonca al c'a tuluyalaico'me. ⁹Ja'ni tołjanajyołtsi juaiconapa, tocomma tołpi'eyołtsi, najmay tonlamallite.

¹⁰Imanc' unc'apimaye joupá nolamallipá camilhuo' lonł'eyacu. Iya' a'i caituca' iłta'a laifcuxe'epolhuo'. Camilhuo' ma lałcuxe'eponga' lałPoujna.

Imanc' unc'acał'no' camilhuo': Aimainuc'e'ma łope'ailli'. ¹¹Ja'ni ominuc'epa aimahueta ocuenaj xans. Topajñla' cotuca'. O ja'ni aimi'iya, taihuejnał'a łope'ailli', tołxanunatsołtsi lataiqui', tolimenc'e'ecotsołtsi loł'epa.

Jouc'a cunc'aipimaye xanuc' camilhuo': Aimaihuescuf'ma łopeno.

¹²Locuenaye imanc' nolamallipá petsi le'a anuli imanc' naihuejcopa Jesucristo, camilhuo' lonł'eyacu. Iłta'a laifmipolhuo' aicalmic' lałPoujna. Iłque aiqipo'nohuo cataiqui' lonł'eyacu. Ma' iya' caituca' caxc'ai'ilhuo', camilhuo': Unc'apimaye, ja'ni anuli imanc' hipeno, tama aimihuejma Jesucristo, tixpic'e tipajñla', ne', timajñle anuli, aimihuescuf'ma. ¹³Jouc'a unc'apimaye cacał'no', ja'ni anuli

imanc' ñipe'ailli', tama aimihuejma Jesucristo, tixpic'e tipajñla', ne', timajñle anuli, aiminuc'e'ma. ¹⁴Ima' taihuequi Jesucristo, tama ñope'ailli' aimihuequi, ÑanDios joupa imetsaicopa ñque to cope'ailli'. Ma' anuli maipima, ima' taihuequi Jesucristo, tama ñopeno aimihuequi, ÑanDios joupa imetsaicopa ñque to copeno. Ja'ni a'i toña'a ÑanDios coña' aiqumetsaicola' loñaxque' ñne i'huexi. Itsiya ñinca timetsaicola' ññiya. ¹⁵Ñne pe aimihuejyi loquexi' Jesucristo, axans o aca'no', petsi aiqihuequi ja'ni ipic'a tenaj'moxi, ima' petsi mihuequi tapi'ña' lane. Aimones'ma: "Joupa aña'inga'. Aimii'ya malux'masyacoñsi." ÑanDios añjoc'iponga' añañle al c'a, aimañfuloñque'me. ¹⁶Ima' maipima caca'no', ja'ni ñope'ailli' aimihuequi Jesucristo, mipa'a ñque ima' aicoxina' ja'ni ti'ima to'e'e'ma tixhuj'menanni, tunñu'ma. Jouc'a ima' maipima, ja'ni ñopeno aimihuequi, mipa'a ñque ima' aicoxina' ja'ni ti'ima to'e'e'ma tixhuj'menanni, tunñu'ma.

¹⁷Iya' cacua: Ma to la'ejma' lalapi'iponga' ñañPoujna, toña'a a'ñe. Jouc'a ma to qui'ic' ñañpo'no'ponga' ÑanDios toña'a luyalaico'me lapajnya. Toña'a laifmuc'ipola' lapimaye ni petsi lafoñyomma. ¹⁸Ñe litine lijoc'ipo' ÑanDios ja'ni jousa etec'empo' lopixic', i'ipa loseña, tipanenni toña'a. Aimones'ma: "¿Te caif'eya? Quiñonc'e'e'moxi ñe laiseña." O ja'ni aiqetec'enghuo' lopixic', topanenni toña'a. Amones'ma: "Alatec'e'enña' laipixic'". ¹⁹Ailopa'a tinsi. Ja'ni etec'empo' lopixic' o a'i, ma' anuli

ñe. Taihuejla' locuxepa ÑanDios. Toña'a ñinca tetenñcocojma ÑanDios.

²⁰Jahuay imanc', ma to mipa'a loñepajnya litine ÑanDios lijoc'ipolhuo', ma toña'a toñmajñle. ²¹Ima' jousa ijoc'ipo' ÑanDios, ja'ni ummozo, i'huexi ñopoujna, aimoxhuelmot'ñe'ma. Ja'ni tixpic'enñe tux'masnatso' ima' tones'ma: "A'i. Najmay capanehuo. Fa'a quihuejco'ma Cristo." ²²Litine lijoc'ipolhuo' ÑanDios, ñe litine Cristo ñonc'epolhuo' limane ñonta'a. Itsiya, ja'ni ima' ummozo, ima' i'huexi ñopoujna fa'a li'a ñamats', o ja'ni ailopa'a copoujna fa'a, ma' ñque Cristo oñPoujna loquexi' imanc'.

²³Toñnujuaitsa, ÑanDios i'ñajtsepa acueca' ti'etsolhuo' i'huexi Cristo. Aimolihuej'mola' lan xanuc', tunlihuejle Jesucristo. ñque ñinca oñPoujna. ²⁴Unc'aipimaye, ma to mipa'a loñepajnya ñe litine ÑanDios lijoc'ipolhuo', ma toña'a toñmajñle. To qui'ic' tonñeñe latenñcocojma ÑanDios.

²⁵Lapimaye cahuats'la jousa lamijcanó, ñañPoujna Jesucristo aicalu'ic' lo'eyacu ññiya. Iya' cu'i'molhuo' laifxpice'pa iya' caituca' laipicuejma'. Ñinca ÑanDios jousa añsanu'epa laipicuejma', aicafel'miyale. ²⁶Camilhuo': Itsiya ipime lapajnya, afule maluyalaicoyi. Ñne lahuats'la o lamijcanó xonca al c'a tuyalaico'me ja'ni timajñle to mimana'.

²⁷Ima' maipima, ¿te fi'ñhuo' ñopeno? Aimoxhuelmot'ñe'ma. Aimahue'ma tolux'mas'moñsi. O ima', ¿te ailopa'a copeno? Ne', aimahue'ma copeno. Topajñla' toñe.

²⁸O ja'ni tamane'ma, nipajnya, tamane'la', ailopa'a tintsi. Jouc'a anuli ľahuats', ja'ni temane'ma ailopa'a tintsi. Ma' atinca iľne namallipá xonca ipime liľpepajnya. Iya' aipic'a aimolte'ľmi'moltsi. Toľiya cu'ľlhuo': Xonca al c'a tuluyalaico'me iľne pe aimemalliyi.

²⁹Itsiya ŁanDios ipic'a ti'ľla' ituca' laluyalaicopa lapajnya. Etec'opa ľitiné, aimico'ľya li'a ľamats'. Toľiya iľne nemallipá ti'onľcotola' li'ľejma' to iľne pe aikuilemalli. Tixojma quileta ti'e'me lanic' lapi'ipola' ŁanDios. ³⁰Jouc'a nohuotsopá, ticuicomma ti'e'ma ma to ailopa'a quiliľhuotsoqueya. Jouc'a noyalaicopá al c'a, aimi'e'me ma le'a liľpinoxjma cata iľne quilituca', ti'ľnujuaisle liľpimaye. Jouc'a no'ľajualepá, tama tipa'a ľi'ľhueca aimi'ľnujuais'me iľiya. ³¹Jouc'a nolijpá quilitomí fa'a li'a ľamats', aimixhuej'me'me ma le'a iľe lanic'. Li'a ľamats', jahuary ľalsimpa fa'a itsiya, ti'ľhua tijaf'que, tijouna'ma.

³²Aipic'a aimolľsueľcoco'yacu lapajnya fa'a li'a ľamats'. Łapima nop'a'a quituca' itine itine ti'ľnujuaisi Jesucristo. Tehuay tetenľcoco'ma iľque ľiPoujna. ³³Łapima nemanepa itine itine ti'ľnujuaisi lapajnya fa'a li'a ľamats'. Tehuay tetenľcoco'ma ľipeno. ³⁴I'ipa oque' ľipicuejma'.

Ma' anuli lo'ipa ľapima cahuats'. Itine itine ti'ľnujuaisi Jesucristo. Ticua: "Aipic'a aľi'ľa' i'ľhuexi Cristo, ľai'ľalma jouc'a laicuerpo. Le'a iľque aiPoujna." Łapima caca'no' nemanepa ti'ľnujuaisi lapajnya fa'a li'a ľamats'. Tehuay tetenľcoco'ma ľipe'ailli'.

³⁵Laixc'ai'ipolhuo' toľta'a aipic'a catoc'itsolhuo'. Aicacuxena'ľilhuo'.

Aicamilhuo': "Toľe, toľe ton'ete". A'i. Ma le'a cacua: "Tetencoco'ľa' lo'ľejma' ŁanDios". Toľta'a itine itine jahuary ľolunxajma' toľjoc'i'me ľaiPoujna. Ja'ni acueca' toľsueľcoco'yi xonca toľ'ľnujuais'me lapajnya fa'a li'a ľamats', aimi'ľiya molľoc'iyacu ŁanDios.

³⁶Cal xans y anuli ľahuats', petsi aikuiejonľiyoltsi ma le'a tiyejmaleyi mi'eyi lanic' lapi'ipola' ľaiPoujna Cristo, ja'ni ticuaiti litine aimixnet'ľqui cal xans, ipic'a ti'e'e'moltsi anuli, ne', temallile. Ti'e'ma ma to ts'ipic'a. ŁanDios tixina ac'a lo'eya. ³⁷Jouc'a ac'a lo'epa cal xans joupa ixpic'epa, ticua: "Ma' aľejmale'me, aimalajonľiyacoltsi iya' ľahuats'". Ne', toľta'a tiyejmale'me, ailopa'a tintsi, aimemalli'me. ³⁸Iya' cacua: Ac'a lo'eya cal xans nolecoya ľahuats', ľamalliyacu. Xonca ac'a lo'eya iľque petsi aikuilejma, aimemalliyacu.

³⁹Ma' imaf'i' ľipe'ailli' ľaca'no' ifiyiya. Ja'ni timan'ľa' ľipe'ailli' ľaca'no' ux'masquenamma. Tipa'a lane temanecona'ma. Ma le'a ti'ľla' cal xans jouc'a i'ľhuexi ľaiPoujna Jesucristo. ⁴⁰Tama ti'i'ma temalli'me, ľaca'no' ja'ni tipajnlá' quituca' xonca ac'a tuyaico'ma lapajnya. Toľta'a laifmipolhuo' iya'. Cacua: Jouc'a iya' cal Espiritu Santo aľcuxe laifmipolhuo'.

8 Itsiya aľpalaico'me lotsufcopa ľandiosla'. Łinca jahuary illanc' ŁanDios lapi'iponga' ľaiľpicuejma'. Aľsina' ľa'ľeyacu. Iya' cacua: Tama tipa'a ľaiľpicuejma' ja'ni aimal'ľnujuaisila' ľaiľpimaye, ěte quipenic' ľaiľpicuejma'? Toľta'a ma

le'a lunfu'eyołtsi lałpicuejma'. Ja'ni jouc'a ał'nujuaitsila' lałpimaye, ja'ni ałtoc'ila' xonca ałfa'e' moltsi lałpicuejma'.

² Cal xans nocuapa: “Ne', ne', aixina”, iłque aikuixina', ma le'a ticua. ³ Cal xans no'epa capic'a ŁanDios, ŁanDios timetsajjma iłque cal xans.

⁴ Ałpalaico'me łotejnyacu joupa łitsufcopa lilendiosla', ja'ni ti'i'ma ałte'me o aimi'iya. Iya' cacua: Illanc' joupa ałsina' tipa'a anuli ŁanDios. Landiosla' ailopa'a co'eyacu.

⁵ Linca timana' iłniya lacui'impola' “andiosla” o “apoujnalá”. Ja'ni fa'a li'a łamats' o jilpe lema'a tama ti'ila' axpela' iłne landiosla', ⁶ illanc' tipa'a ma' anuli łalanDios, iłque ałAilli'. Jahuay lopa'a iłque ixpic'epa ti'ila', małmana' fa'a li'a łamats' ałełe latentłocoya iłque. Jouc'a tipa'a le'a anuli lałPoujna, iłque Jesucristo. ŁanDios jahuay lixplic'epa ti'ila', iłque lałPoujna ilanc'epa, lapi'inga' al ts'e lałpitene.

⁷ Timana' lapimaye aimicuec'eyi. Ticuayi: “Iłniya lan imagen ma' andiosla'. Cal teju'a łitsufcompola' joupa i'ipa iłhuexi iłniya.” Pe nonespá tołta'a ja'ni titełe łitsufcompola' tixhuełco'me, tines'me: “Aijc'a lał'epa”. ⁸ ŁTe aga łaltepa lapenufco'monga' ŁanDios? Ja'ni ałtełe łitsufcompola' landiosla', łte aga ŁanDios ałsim'monga' xonca acueca' lałpicuejma'? Ai. Ja'ni aimalteji, łte aga ałsim'monga' xonca a'ijc'a lałpicuejma'? Ai.

⁹ Tama aixina' tołcuc'eyi iłta'a, itsiya camilhuo': Tołspic'ełe al c'a lonł'eyacu. Aimoluc'uilitsuf'e'mola' lapimaye petsi aikuilcueca. ¹⁰ Ima'

tocueca, oxina' nipajnya tote'ma łitsufcompola' landiosla'. To'hua'ma al juic lo'epa jilpe lixoute' iłque lilendios, tote'ma łitsufcompa. Jilpe muyaipa łopima, iłque aimicueca, aimicua miteja, ticua: “Aimi'iya”. Tixintso' ima' toteja, tipai'i'moxi lipicuejma', ticua'ma: “Ailopa'a tintsii. Iya' jouc'a cate'ma łitsufcompa lilendios.” Ima' łja'ni totoc'i łopima? Ai. ¹¹ Ima' tocueca, ti'i'ma tote'ma. Łopima aimicueca tołta'a. Ja'ni titełe' tixhuełco'ma, tecani'e'moxi. Małque łopima iłhuexi Cristo, iłque Cristo itełcopa lamaya tunł'ełe'.

¹² Tołta'a lonł'epa tolatets'ila' lołpimaye, tołscai'ela' liłpicuejma'. Tołatets'ila' a'i ma le'a lołpimaye, jouc'a tolatets'iyi Cristo. ¹³ Iya' cacua: Ja'ni łaftepa tuc'uilitsuf'e'ma łaipima, aicateconaya iłiya.

9 ¹⁻³ Jilpe timana' nocuapá: “Iłque Pablo, łnaitsi iłque?” Iya' catalai'e: ŁTe anuli cal xans aipoujna? ŁTe iya' a'i nin'apótol? ŁTe aicalummaic' Jesucristo? ŁTe aicaixina' iya' iłque lałPoujna? Imanc' noł'huaiyijmpá Jesucristo, łnaitsi nu'ipolhuo' Lataiqui'? ŁNaitsi cummepa Jesucristo ti'etsi lanic' jilpiya? ŁTe a'i iya'? Tama tinesyi ocuenaye: “Pablo ałi apótol, aimi'hua limane”, imanc' aimi'iya mołnesyacu tołiya. Imanc' olapenufpá laitaiqui', oł'huaiyijmpá Jesucristo, tołta'a ŁanDios imuj'ma iya' alinca nin'apótol.

⁴ Illanc', łte aicalapi'inga' lane malapenufyacu łaltejacu, lałsnayacu lalapi'iyaconga' lapimaye? ⁵ ŁTe aimi'iya mał'eyacu anuli to lo'epa locuenaye lan apóstole, jouc'a lipimaye lałPoujna,

jouc'a Pedro? Ine itejma liþpenoye apimaye. ⁶Ihniya linca tipa'a lane aimi'e'me canic', ma le'a ti'e'me ite lanic' lepi'ipola' ca'Ailli' Jesucristo. Iya' y Bernabé, ¿te illanc' le'a ailopa'a lane ma'eyacu to'ta'a?

⁷Cal soldado, ¿te ti'najtse'ma quituca' teteja? Linfapa 'uva, ¿te aimiteja hi'uva? O no'epola' cuenna lihuacax, ¿te aimixnaya li'teche?

⁸Ihiya lainespa, ¿te ma' iya' caituca' quipa'e laipicuejma'? Lataiqui' locuxepa LanDios, ¿te aimuya'e to'hiya? ⁹⁻¹⁰To'ta'a loya'apa licuxepa Moisés, ticua: "Mi'huailsetsufyi lan huacax cal trigo, aimo'fi'e'mola' lilepu'na'". He lataiqui', ¿te LanDios ma ti'njuuaitсила' lan huacax? o ¿a'njuuaitsinga' illanc' na'epá lanic', ite lalapi'iponga'? Linca, a'njuuaitsinga' illanc'.

A'lon'cosponga' to cal xans mepa'ma temats' petsi lofaya cal trigo, o to cal xans mifusma trigo. Ine tixoc'iyot'si quileta ti'eyi canic', ihsina' tite'me qui'trigo. ¹¹Illanc' jil'piya a'fapá Lataiqui', to'hiya ac'a loluyalaicoyacu imanc' Locuena Quitine. Itsiya litine, illanc' ma'mana' fa'a li'a lamats', ¿te ailopa'a calafot'leyacu? ¿Ja'ni aimalapi'iyaconga' ni ca'tejacu? ¿Te to'sinyi ipime itiya?

¹²Iya' cacua: Ja'ni tolimetsaicola' locuenaye ti'hua to'ta'a li'tmane, to'tes'mila', ¿te aimalimetsaicoyaconga' xonca illanc'? Linca ma'mana' jil'pe illanc' luyalaicoyi lapajnya to aimi'hua la'tmane. Ailopa'a ca'sahue'epolhuo' imanc'. Xonca aipic'a tolihuejle Lataiqui'. Aimolixtule'me.

¹³¿Te aico'sina' te ts'i'ic' loyalaicopá li'tepajnya it'niya

no'epá canic' al xoute'? Ine titeji notsufcopá jil'pe al xoute'. Ine petsi lotsufcompola' linneja jil'pe al altar, ma'niya titeji ite lixic'. ¹⁴La'Poujna illanc' ixpic'epa ma' anuli tuyalaico'me it'ne noya'apá Lataiqui'. Ixp'ic'epa aimi'e'me ocuena canic'. Muya'ayi Lataiqui' it'niya, li'tpimaye tep'i'intsola' tetejacu.

¹⁵Iya' linca aicainuyaijma to'ta'a. Ni itsiya aicamilhuo': "Imanc' a'toc'ila'". A'i. Iya' tixoquei neta culij'ma la'iftepa. Ja'ni co'la' ti'ila' ituca' lai'ejma' caxhue'tco'ma juaiconapa. i'Najmay a'ma'la'! Iya' caituca' caxpic'e to'ta'a lai'ejma'. ¹⁶Linca a'i caituca' laipicuejma' caxpic'e cuya'a'ma Lataiqui'. He lanic' joup'a lapi'ipa LanDios. Ja'ni aica'ay caxhue'tco'ma juaiconapa. To'ta'a a'ij'c'a laifnuyaicoya.

¹⁷Ja'ni co'la' iya' caituca' aixpic'epa cuya'ala' Lataiqui', aga a'najtse'ma. Iya' caituca' aicaxpic'e, ma le'a quihuej'cocojma ite la'tcuxe'empa. ¿Te ca'najtsecoya? ¹⁸Iya' linca aica'najtsi'iyale, ma le'a cuya'e' Lataiqui'. Tama ti'hua laimane, tama nipajnya caxahue'ela', aicaxa'hue. Tijou'la', ¿te tipa'a laifnulijya? ¹⁹Culij'mola' lan xanuc'.

Ailopa'a caipoujna axans. Tama ailopa'a na'tcuxeya aicai'of'eyoxi. Aixpic'epa ca'njuuait'sola' jahuay. To'ta'a ti'i'ma xonca axpela' laifnulijyacola', it'ne napenufyacu Lataiqui'. ²⁰Iya' ninjud'ío ai'on'licopoxi to laif'as jud'ío, teten'cocosola' it'niya lai'ejma'. A'tquim'ela', tepenufle Lataiqui'. Itsiya tama aixina' aimalun'hu'eya lita'iqui' Moisés, iya' ai'on'licopoxi to it'niya naihuej'pá ite lata'iqui'. Cacua:

Tohiya lapenuf'ma iya' laifnuya'apa Lataiqui'.

²¹Jouc'a aipic'a tepenufle laifnuya'apa petsi aimimetsaicoyi locuxepa ÆanDios, ihe naihuejcopá quiftuca' lihpicuejma'. Tohiya ai'onhcopoxi to iñniya. Iya' linca aicainihuequi caituca' laipicuejma', quihuejma Cristo. Tohiya canant'li locuxepa ÆanDios. ²²Jouc'a ai'onhcopoxi to lapimaye pe aimicuec'eyi litaiqui' Jesucristo. Cahuay te co'iya metenłcocoayacola' lan xanuc' ni petsi lomana', ocuena ocuena liŕaza, li'ejma'. Cacua: Tołta'a cunłu'e'mola' hualca iñniya. ²³Tołta'a lai'epa laipenic', ihe lalapi'ipa ÆanDios. Jahuay łainunxajma' cuya'e' Lataiqui'. Cacua: He Lataiqui' tuya'e' te ts'i'ic' lalapi'iyaconga'. Iya' jouc'a lapimaye lulijle ihe al c'a.

²⁴¿Te aicołsina' lo'ipola' lan xanuc' lalahuaiyacolołsi cainuya' Axpela' nainulpá, anuli nolijya, tepi'inni quipremio. Imanc' tolihuejle Cristo, tepi'itsolhuo' lolulijyacu. ²⁵Ihe pe notsufliayacu lofit'hyacu ti'e'mołtsi cuenna, ti'ila' acueca' quilpujfxi, tulijle lafit'hya. Petsi nolijya tepi'im'me licorona lilanc'ecompa ipela c'ec. He al corona aimixnet'łqui, tetetquemma. Illanc' ja'ni lulijle, lalapi'inyaconga' aimijouya, ti'hua ticołi tijauhuamlaicota. ²⁶⁻²⁷Cal xans nonespa: “Culij'ma lalahuaiyacolołsi cainuya'”, ique ac'a tinu'ma, tehuelonge pe locuaicoya. Tołta'a iya' cainihuequi Jesucristo. Iya' cacuxeyoxi. Lai'ejma' a'i to li'ejma' cal xans notsufaipa lafit'lya tuntafco'mołtsi liłmane, tijouła'

ma tuntafque łahua'. Iłque linca aimulijya. Iya' catełmiyoxi. Cacua: Ihta'a laicuerpo ti'ila' quixina' ihe a'i caipoujna. Ma' iya' caituca' cacuxe'moxi al c'a. Ja'ni a'i, ¿te co'iya? Iya' coła' ailopa'a calapi'inya tama nuya'a'ma Lataiqui'. Tope tope capanehuo.

10 Unc'aipimaye, camilhuo' aimolimenc'eco'me li'ipola' lałtatahueló. Jahuay iñniya unxamu'ela' łummahuay lipo'nopa ÆanDios lema'a. Jahuay uyalaico'me łaja, ÆanDios ilanc'e'epola' liłpene. ²Iñniya lunxamu'epola' łummahuay, nuyalaicopá łaja, tołta'a i'ipola' lixanuc' Moisés. Jahuay ilihuequi iłque. ³Jahuay ihe ma' anuli nitepá ł'a'i, iłque hi'huayomma lema'a. ⁴Jahuay ma' anuli noxnapá łaja' lepi'ipola' ÆanDios. He łaja' tipayomma łapic lipo'nopa ÆanDios. Ni petsi loyepa lan xanuc' jouc'a ti'hua'ma łapic, tiyeyi anuli. Łapic ma' iłque Cristo. ⁵Jahuay iñniya ÆanDios itoc'i'mola' ma' anuli. A'i jahuay letenłcocopa ÆanDios li'ejma'. Imanapola' jilpe łijuł camats'. Tołta'a lileł'mipola' ÆanDios.

⁶He li'ipola' lałtatahueló ÆanDios ał'onhcong'a' to illanc' lał'iyaconga' ja'ni a'ij c'a lał'ejma'. Lu'inga': “Tołpo'note lołpicuejma' aimołjanaj'me molihuej'me lixcay to lihuejpa iñniya”. ⁷Imanc' aimolaxc'onlıngoloła'mola' landiosla'. Tołta'a li'epa hualca ihe lan xanuc'. Tuya'e' al Paxi Linilingiya ticua:
I'epá liłjuic landiosla',
icutsołai'me, itetso'me,
ixna'me.
Lijou'ma itsolinanca quixojma
cata, i'e'me nixpiya.

⁸Jouc'a aimo!no!mola' laca!no'. Hualca i!ne lan xanuc' to!ta'a li'epa. LanDios ite!mi'mola'. Anuli litine imana'mola' anuxans fane' mil lan xanuc'. ⁹Jouc'a aimolahuai'me !a!Poujna. To!ta'a li'epa hualca i!niya. LanDios umme'mola' lainofat'! . I!ne ima'a'me lan xanuc'. ¹⁰Jouc'a aimo!tac'ui'me cajunac' LanDios. Hualca to!ta'a li'epa. LanDios umme'ma !epaluc quem'a, ima'a'mola'.

¹¹Jahuay i!iya li'ipola' !a!tatahueló, LanDios a!on!hiconga' to illanc' la!iyacong'a' ja'ni a!ij c'a la!ejma'. Ji!pe al Paxi Lini!ingiya LanDios a!sc'ai'inga' illanc' la!mana' i!na'a !itiné ma mi'hua mijou'ma li'a !amats'. Lu'inga' aima!e'me to i!niya. ¹²To!nujuaitsa li'ipola' !a!tatahueló. Ja'ni tocua: "Iya' ma quihuequi. Ailopa'a ca!iya", iya' camihuo': Ne', topo'no!a' cuenna. Aimixcai'mo'. ¹³Itsiya to!telcoyi ma le'a to !a!telcopa ma!mana' fa'a li'a !amats'. LanDios joupa lu'ipolhuo': "Iya' catoc'i'molhuo'". To!ta'a lo'eya. I!que aimipaiya lipicuejma'. Ja'ni to!sinyi acueca' i!e lo!telcopa, ja'ni to!nesle: "Aimi'iya caixnet!conaya", LanDios timuc'i'molhuo' lon!eyacu. Timuc'i'molhuo' te co'iya moluliyacu. To!ta'a ti'hua to!snet'!me.

¹⁴Maicunc'aipimaye, aimolihuej'me landiosla'. Tolanajtsot!si nulemma.

¹⁵Imanc' a'i cunc'amac'ta. Tipa'a lo!picuejma'. Itsiya a!quimf'e!a' i!ta'a laifmiyacolhuo'. Tijou!a' to!spic'e!e al c'a lon!eyacu. ¹⁶Illanc' ninc'apimaye tipa'a la!vaso, ji!pe ma!snayi a!nujuaisyi li'epa Cristo.

A!s'najtsi'i'me LanDios, a!sna'me al vino lopa'a ji!pe al vaso. Ma!snayi al vino jahuay anuli a!nujuaisyi lijuats' Cristo. Ma!teji !a'i !a!squejpa jahuay anuli a!nujuaisyi licuerpo Cristo. ¹⁷!a'i !a!squejpa ti'on!cospa to licuerpo Cristo. I!que !a'i ma le'a anuli. To!ta'a timuqui tama ninc'xpela' illanc' ma le'a anuli. I!que anuli !a'i ahualca ahualca a!teji jahuay.

¹⁸Lan xanuc' Israel miteji lixic' litsufcompa ji!pe al cuecaj xoute', ti'nujuaisyi i!e al altar pe laipa'ayompa lixic' i'altar LanDios. ¹⁹Linca aica'on!icola' !alanDios to lilendiosla'. Jouc'a aica'on!icola' lotsufcompola' lilendiosla' to lotsufcopa LanDios. ²⁰Mane cacua: Lan xanuc' pe aimimetsaicoyi LanDios aimitsufcoyi LanDios, titsufcoyi lontahue. Cacua: Amo!tetso'me anuli lontahue, aimo!tejmale'me anuli i!niya. ²¹Imanc' ja'ni to!snayi livaso !a!Poujna Cristo aimi'iya mo!snayacu jouc'a li!vaso i!ne lontahue. Ja'ni to!tetsoyi ji!pe lacui'imp'a "limesa !a!Poujna", to!tetsoyi anuli i!que. Aimi'iya mo!tetsoyacu anuli lontahue ji!pe li!mesa. ²²O, ¿ja'ni lahuai!e !a!Poujna? ¿Ja'ni xonca ti'hua la!mane?

²³Linca tama jahuay nipajnya a!e'me, tipa'a latent!cocoya jouc'a tipa'a pe aimetent!cocojma. Tama jahuay nipajnya a!e'me a'i jahuay mitoc'iyacola' lapimaye. ²⁴Imanc', aimo!e'me lo!pic'a co!tuca'. To!e'me i!e lotoc'iyacola' lo!pimaye.

²⁵Locuquimpa laplaza ti'i'ma to!nata, to!te'me.

Aimoſueſmot'he'me, aimolicuitsuf'me: “¿Te iſe litsufcompola' landiosla'?” Ma le'a toſ'natsa. ²⁶Toſ'nujuaitsa: “Li'a łamats' jouc'a jahuay lopa'a i'huexi łal'Poujna”.

²⁷Lan xanuc' pe aimimetsaicoyi ŁanDios, ja'ni tijoc'itsolhuo' toſtetsota, ja'ni ol'pic'a tonſeſe, ne', tonſe'me. Toſtetsa łapi'inyacolhuo'. Aimoſueſmot'leta, aimolicuitsufoſ'me: “¿Te iſta'a itsufcompola' landiosla'?” Ma le'a toſtetsa. ²⁸Ja'ni anuli łol'pima timiſolhuo': “Iſta'a itsufcompola' landiosla', aimi'iya moſtejacu”, aimoſte'me. Toſ'nujuaitsa łol'pima ĩmipolhuo' toſta'a. Aimoſcai'e'me iſque łunxajma'. ²⁹⁻³⁰Imanc' ĩnca aimoſueſcoyacu, ma' iſque łol'pima tixhueſco'ma.

Iya' cacua: ĩnca nipajnya toſte'me. Tijouſa', ¿te co'iya? Łol'pima aga tixim'ma a'ijc'a loſ'epa, tihuotso'ma. Joupa ol's'najtsi'ipá ŁanDios, toſteji moſ'nujuaisyi ŁanDios, łol'pima aiquixoqui queta, ixtuc'opo'. ¿Ja'ni ac'a iſe li'ipa? A'i.

³¹Cacua: Ja'ni toſte'me, ja'ni toſsna'me, jahuay lonſ'eyacu, tonſ'eſe ma le'a latenłococoya ŁanDios. Toſta'a lan xanuc' tines'me: “ŁilenDios iſniya ma' ac'a lipicuejma”. ³²Ja'ni ajudío o ja'ni a'ij judío, o ja'ni łol'pimaye łefot'łepola' ŁanDios, imanc' aimoluc'uilitſuf'e'mola'. ³³Toſta'a laiſ'epa iya'. Ca'nujuaitsila' jahuay laiſ'as xanuc'. Aicacua: “¿Te caiſ'eya? Aipic'a cuyaiſa' al c'a iya'.” Ma caxpic'e, camiyoxi: “Iſe laiſ'eya, ¿te tetenłocojma łaipima?” Aipic'a tuyalaite al c'a laipimaye, tuntul—le iſniya.

11 Toſta'a cainihuequi Cristo. Imanc' lihuejla' iya'.

²Unc'aipimaye, tixoqui neta iya' aixina' aicalimenc'ecojma. Ti'hua aſ'nujuaitsi, ma to łacuxe'epolhuo' toſta'a lonſ'epa. Tonlihuejyi laimuc'ipolhuo'. ³Jouc'a aipic'a ti'ila' colſina' Cristo copa'a Nocuxepa cal xans. Cal xans ti'hua limane ticuxe'ma łaca'no', iſque ĩpeno. ŁanDios ti'hua limane ticuxe Cristo. ⁴Cal xans mipalaic'o ŁanDios o mu'iyale lonespa ŁanDios, texijla' ĩjuac. Ja'ni tetemica ĩjuac tetets'i Cristo, iſque Nocuxepa. ⁵Łaca'no' mipalaic'o ŁanDios o mu'iyale lonespa ŁanDios, tetemijla' ĩjuac. Ja'ni texijla' ĩjuac tetets'i ĩpe'ailli', iſque nocuxepa. Ja'ni texijla' ĩjuac tocomma to iſuaſ'pa. ⁶Ja'ni łaca'no' aimetemijya ĩjuac, ne', tetec'eſa' ĩjuac. Ja'ni ticua: “A'i, aimalatec'e'ma łaijuac, aimaliſuaſ'ma, catai'ma lalaic'ata”, ne' tetemijla' ĩjuac.

⁷Cal xans mipalaic'o ŁanDios aimetemij'ma ĩjuac. Cal xans ti'onłocospa to ŁanDios. Timuqui te ts'i'ic' iſque Łilanc'epa. Łaca'no' ituca', iſque tixhuaicospa ĩpe'ailli'. ⁸ŁanDios lolanc'eyacola' lan xanuc' ate'a ilanc'epa cal xans, a'i łaca'no'. Iſque łaca'no' aiquipa'e anuli lipecał lolanc'ecoya cal xans. Ipa'epa lipecał cal xans ilanc'ecopa łaca'no'. ⁹¿Ja'ni łaca'no' ehue'epa quipe'ailli' lijoupa ŁanDios ilanc'epa cal xans? A'i. Cal xans ehue'epa quipeno. Lijoupa ŁanDios ilanc'epa łaca'no'. ¹⁰Toſiya ticuicomma tetemijla' ĩjuac łaca'no'. Timuj'ma a'i micuxeyoxi iſque quituca'. Timuj'ma ĩpe'ailli' xonca ti'hua limane. Toſta'a

tetenċoco'mola' lapaluc' quema'a jouc'a. Ine nahuelojmpá lapimaye lafot'lepolti.

¹¹Iya' aicatets'ila' laca'no'. Cacua: Ticuicomma loquexi', cal xans jouc'a laca'no'. Cal xans ticuicomma quipeno, laca'no' ticuicomma quipe'ailli'. Toċta'a lapajnya molihuejyi laċPoujna. ¹²Toċta'a aċmuc'iponga' ĆanDios: Al te'a ipa'apa laca'no' licuerpo cal xans. Lijoupa limajnlita lan xanuc' iċne caipalyomma liċuerpo laca'no'. Jahuay, ma' anuli ĆanDios tepi'ila' liċpitine, axanuc', aca'no'.

¹³Imanc' coċtuca', ċte coċcuapa? ċTe ja'ni ac'a lo'epa laca'no' mipalaic'o ĆanDios exiqueya hijuac? ċTe ja'ni latenċcocoya toċiya? ¹⁴Joupa oċsina' a'ij nuli liċsans laca'no' y cal xans. Cal xans ja'ni itoqui juaiconapa hijuac, aiquetenċma, alaic'ata. ¹⁵Ćaca'no', ja'ni itoqui juaiconapa hijuac, ma' etenċma, i'huáqui ac'a juaiconapa. Iċque hitoqui hijuac ĆanDios epi'icopa laca'no' tipoxc'ixoxi.

¹⁶Toċta'a iya' laicuapa, lainu'ipolhuo'. Ja'ni anuli aimicueca, ja'ni tinesla': "Laca'no' mipalaic'oyi ĆanDios aimetemij'me hiċjuac", cam'i'ma iċque: "Illanc' a'i toċta'a maċeyi. Jouc'a aimi'eyi lapimaye lefot'lepola' ĆanDios ni petsi lomana'."

¹⁷Itsiya capalaico'molhuo' lonċepa pe aicalatenċcocojma. Aicamilhuo': "Ac'a iċe loċejma". Munlafot'leyoċtsi aimoċtoc'iyoċtsi, aimoċfa'eyoċtsi loċpicuejma'. Lijou'ma xonca a'ijc'a loluyalaicopa. ¹⁸Ate'a cu'i'molhuo' iċe lonescopolhuo', aċmimpa: "Lapimaye nomana' liċya' Corinto mefot'leyoċtsi a'ij nuli liċpicuejma',

a'ij nuli lonespa". Iya' cacua: Aga al ċinca iċe lataiqui' lonescopolhuo'.

¹⁹Ćinca aimi'iya moċmajnyacu ma le'a anuli capicuejma'. Ticuicomma tolanajtsoċtsi. Toċiya ti'huájtola' naitsi iċniya latenċcocoya ĆanDios.

²⁰Imanc' lonlafot'lepolti anuli aicoċpic'e moċtetsoyacu Ćixmocojma' laċPoujna. ²¹Imanc' aimoċ'huacoyi anuli anuli, ma toċteji toċtaic'. Tijouċa' anuli laċpima tipanehuo tunle'e, loċuena timeyoqui. ²²Imanc', ċte ailopa'a colajut'ċi? Jiċpiya ti'i'ma toċtetsota, toċsnata. Xonca oċpic'a tolatets'itsola' loċpimaye, iċniya jouc'a lefot'lepola' ĆanDios. Imanc' tolahuelongila' to ninaitsi xanuc', tijouċa' iċniya tixinyi calaic'ata juaiconapa.

ċTe caifmiyacolhuo'? ċTe cam'i'molhuo': "Ac'a lonċepa"? A'i, aicamiyacolhuo' toċta'a.

²³Iya' joupa aimuc'ipolhuo' iċe laċmipa laċPoujna. Nu'ipolhuo': Lipuqui' licum'me laċPoujna Jesús iċque epef'ma anuli ċa'i. ²⁴Ix'najtsi'i'ma ĆanDios, ixquej'ma ċa'i, timila' ts'ilihuequi': "Ĥta'a aicuero. Cacu'moxi, cunċu'e'molhuo'. Ma toċta'a tonċe'me imanc'. Toċsquej'me ċa'i, toċte'me, aċ'nujuaisco'ma iya'." ²⁵Lijoupa lixmocopa laċPoujna timila' ts'ilihuequi': "Ĥta'a al vaso, al vino lonango, iċe aijuats' laifxcuajaiya. Toċiya caċinc'i'ma al ts'e cataiqui' lopo'no'ipolhuo' ĆanDios, imanc' ixanuc'. Toċsnaċe. Ti'hua tonċe'me toċta'a. Ma moċsnayi aċ'nujuaisco'ma."

²⁶Maċeyi toċta'a, maċteji ċa'i laċsquejpa, maċsnayi al vaso, luya'ayi limayopa laċPoujna

jilpe lancruz. Ma tołta'a małeyi ał'huaijma ticuaiyoconno. ²⁷Tołiya aimi'iya małtejacu łai to nij tintsi ca'i, aimi'iya małsnayacu al vino to nij tintsi vino. Ja'ni tołta'a liejma' cal xans, iłque tetets'ila' licuerpo jouc'a lijuats' łaiPoujna.

²⁸Ai'a tołte'me łai, ai'a tołsna'me al vino tolimetsaicotsotłsi, te ts'i'ic' loł'ejma', te ts'i'ic' lołpicuejma'. Tijouł'a tołtełe łai, tołsnałe al vino. ²⁹Naitsi notepa łai, noxnapa al vino, ja'ni aimimetsaijma jilpe licuerpo Cristo, litepa łai, lixnapa al vino aimitoc'iya. Titełco'ma loteł'miya łanDios. ³⁰Tołiya, jilpe pe lołmana' timana' axpela' lapimaye titafquemmol'a, axpela' textafquila' o joupa imanapola'.

³¹Limetsaicotsotłsi, ałsintsołtsi te ts'i'ic' lał'ejma'. Ja'ni a'ij'ca lał'ejma' ałsuej'menanca. Tijouł'a aimatłeł'miyaconga' łanDios.

³²Ja'ni ałteł'minga' łanDios ałmuc'inga' aimentenłma lał'ejma', ipic'a ałsuej'menca. Tołta'a aimalacani'eyaconga' to locuenaye naihuejpa' quiłtuca' liłpicuejma'.

³³Unc'aipimaye toł'nujuaitsa iłe laifnu'ipolhuo'. Litine molafot'leyacołtsi, tołtetso'me anuli, tołcuaitsa petłi lolafot'leyacołtsi, toł'huaicota ticuaiyunca lołpimaye, tijouł'a tołtetso'me. ³⁴Łapima łonle'epa juaiconapa, titetsoł'a jilpe lejut'ł. Tołta'a ac'a toluyalaico'me jilpe lolafot'lepoltłsi. łanDios aimiteł'miyacolhuo'.

Litine cacuaitłsi jilpiya ałpalaic'otołtsi xonca. Catalai'etolhuo' jahuay lalicuis'epa.

12 Unc'aipimaye aipic'a ti'ila' cołsina' te ts'i'ic' lał'eyacu

ja'ni cal Espiritu ałcuxenga', lapi'iponga' lałpicuejma'. ²Imanc' toł'nujuaisyi te ts'i'ic' loł'ejma' iłne łitiné ma' aimolimetsaicoyi łanDios. Icuxe'molhuo' landiosla' pe aimipalayi. Unlıhuejco'me iłniya. ³Iłne łitiné aicołsina' łitaiqui' cal Espiritu Santo. Itsiya camilhuo': Cal xans nonespa: "Tecanił'a Jesús", aiminesqui locuapa cal Espiritu Santo. Jouc'a camilhuo': Ma le'a cal xans pe joupa epenufpa cal Espiritu Santo ti'i'ma tuya'a'ma: "Jesús aiPoujna. Małque anDios." Ja'ni aiquepenufi cal Espiritu Santo aimi'iya muya'aya tołta'a.

⁴Tama ituca' ituca' lał'eyacu ma to malapi'inga' cal Espiritu, ailopa'a oquexi' afantsi lan Espiritu Santo, ma' anuli le'a. ⁵Tama ituca' ituca' lał'penic', iłe lałtoc'iyacola' lałpimaye, ma le'a anuli łaiPoujna. ⁶Tama a'ij nuli calapi'inga' lałmane, iłque łanDios ma le'a anuli. Ma' iłque lapi'inga' jahuay iłiya. Tołta'a ałpaxnenga' jahuay illanc'.

⁷Cal Espiritu Santo ałmuc'inga' lał'eyacu anuli anuli illanc'. Tołta'a illanc' ninc'apimaye ti'i'ma ałtoc'i'mołtsi. ⁸Anuli łapima, cal Espiritu Santo tepi'i'ma tuhuał'ma łitaiqui' łanDios. Łocuena capima, małque cal Espiritu Santo tepi'i'ma tuya'a'ma al cueca' ts'ixina'. ⁹Łocuena capima, małque cal Espiritu Santo tepi'i'ma ti'huaiyijnla' juaiconapa łaiPoujna Jesucristo. Łocuena capima, małque cal Espiritu tepi'i'ma limane tixał'me'mola' lałcualłay. ¹⁰Łocuena capima, tepi'i'ma ti'eł'a' al cueca' ma to mi'ay łanDios. Łocuena capima, tepi'i'ma ti'ila' quixina' lołpic'epa

ĒanDios, tu'itsola' lapimaye.
 Ēocuena, tepi'i'ma timetsaicoĶa' ja'ni
 ma' alinca cal EspĒritu Santo ticuxe
 anuli Ķapima o ja'ni ticuxe ocuena
 'espĒritu, iĶque Ķixcay. Ēocuena
 capima, tepi'i'ma tipalaiĶa' ipaijma
 litaiqui' pe aikuixina'. Ēocuena
 capima, tepi'i'ma ticuejla' iĶe
 lataiqui' linespa Ķipima, tu'itsola'
 locuenaye capimaye. ¹¹ Jahuay
 iĶiya ti'ay cal EspĒritu Santo. Ituca'
 ituca', ma to Ķixpic'epa, lapi'inga'
 laĶpicuejma' jouc'a laĶeyacu.

¹² Anuli al cuerpo linca axpe'
 mipa'a. Tama axpe' mipa'a licuerpo
 cal xans a'i oquej fanej licuerpo,
 anuli le'a. ToĶta'a Cristo. Illanc'
 icuerpo iĶque. ¹³ Illanc' ja'ni
 ninc'ijudĶo, ja'ni ninc'ocuenaye
 xanuc', ja'ni fa'a li'a lamats' tipa'a
 ĶaĶpoujna o ailopa'a caĶpoujna,
 illanc' nalapolipĶa' aĶonĶcosponga' to
 anuli al cuerpo, iĶe icuerpo Cristo.
 Ma' anuli joupa aĶsnapĶ al c'a caja',
 iĶque cal EspĒritu Santo Ķalapenufpa.

¹⁴ Ēinca, anuli al cuerpo mipa'a
 axpe', a'i anuli ne'a. ¹⁵ Cal xans ja'ni
 li'mis timixoxi: "Iya' a'i namane,
 toĶta'a iya' a'i qui'huexi iĶe al
 cuerpo", Ķte iĶe li'mis a'i qui'huexi
 al cuerpo? ¹⁶ Jouc'a ja'ni Ķix'mas
 timixoxi: "Iya' a'i na'u, toĶta'a iya'
 a'i qui'huexi iĶe al cuerpo", Ķte iĶe
 Ķix'mas a'i qui'huexi al cuerpo?"

¹⁷ Ja'ni laĶcuerpo pangay ca'u,
 Ķte co'iya maĶcuejyacu? Ja'ni
 laĶcuerpo pangay cax'mats'i, Ķte
 co'iya malujuenufyacu? ¹⁸ A'i toĶta'a
 laĶcuerpo. ĒanDios joupa ixpic'epa
 lo'eya, ipo'no'ipola' anuli anuli pe
 lopanc'eya. ¹⁹ Ja'ni a'i coĶa' toĶta'a
 qui'e'e ĒanDios, Ķpe copa'a al
 cuerpo? Ailopa'a.

²⁰ Ēinca axpe' tipa'a lipo'no'ipola'
 ĒanDios, tama anuli le'a laĶcuerpo.
²¹ ToĶiya laĶ'u' aimi'iya mimiya
 laĶmane': "Aicaxhuicolhuo'.
 TonĶente'. Iya' caituca' ca'e'ma lanic'."
 Jouc'a ĶaĶjuac aimi'iya mimiya cola'
 laĶmitsi': "Aicaxhuiyacolhuo'.
 TonĶente'. Iya' caituca' ca'e'ma lanic'."
²² JiĶpe laĶcuerpo ticuicomma
 jahuay lipo'no'ipola' ĒanDios. IĶniya
 pe tocomma ailopa'a quiĶpuiĶxi,
 iĶne xonca ticuicomma. ²³ JiĶpe
 laĶcuerpo tipa'a pe aimalimetsaicoyi
 xonca, jiĶna'a xonca aĶeyi cuenna.
 Jouc'a iĶna'a petsi ticuicomma
 temiyaquenni aimalixocoyi iĶniya.
²⁴ Petsi xonca latentcoconga'
 aimalĶsinyi cuanuc', aimalamiyi.

ĒanDios lilanc'epa laĶcuerpo
 ixpic'epa petsi lopo'no'iyacola' anuli
 anuli. Ja'ni ipic'a temiyaquenni,
 ti'ente cuenna, ipo'nopa maĶpe
 petsi aĶ'e'me cuenna. ²⁵ ToĶta'a,
 jiĶpe laĶcuerpo anuli aimi'iya
 miĶof'eyacoxi, locuena mi'oc'eyacoxi.
 Jahuay tixinyoĶtsi cuanuc', jahuay
 ti'eyoĶtsi cuenna. ²⁶ Ja'ni laĶcuerpo
 tipa'a anuli titeĶma, jahuay titeĶcoyi
 jouc'a. Ja'ni anuli tixoqui queta,
 jahuay tixojma quileta.

²⁷ ToĶta'a imanc', icuerpo Cristo.
 Anuli anuli imanc' i'huexi iĶe
 licuerpo. ²⁸ Jahuay nalafot'Ķeponga'
 ĒanDios lapi'iponga' anuli anuli
 laĶpicuejma', ituca' ituca' laĶpenic'.
 Ate'a ipo'nopola' lan apĶstole, iĶne
 lummebola' Cristo tuya'aĶe Lataiqui'.
 Lijoupa ipo'nopola' lam profeta,
 iĶne tuya'ayi lataiqui' lomipola'
 ĒanDios. Lijoupa ipo'nopola'
 lomxiye, iĶne tuhuaĶyi Lataiqui',
 timuc'iyaleyi. Lijoupa ipo'nopola'
 iĶne petsi lepi'ipola' liĶmane, ti'e'me

ma to lo'epa ËanDios. Lijoupa ipo'nopola' iñe petsi lepi'ipola' liñmane tixa'ñete lafcualñay. Lijoupa ipo'nopola' iñe pe lepi'ipola' liñpicuejma' titoc'iñe liñpimaye. Jouc'a ipo'nopola' iñe pe lepi'ipola' liñpicuejma' ticuxe'me liñpimaye, tu'i'mola' te co'ya mi'eyacu lanic' lepi'ipola' ËanDios. Jouc'a ipo'nopola' iñe pe lepi'ipola' liñpicuejma' tipalañte ipaijma liñtaiqui'.

²⁹ ¿Te jahuay illanc' ninc'apóstole? ¿Te jahuay ninc'iprofeta? ¿Te jahuay ninc'omxiye? ¿Te jahuay a'eyi al cueca' ma to lo'epa ËanDios? ³⁰ ¿Te jahuay aña'mela' lafcualñay? ¿Te jahuay añpalaiyi ipaijma lañtaiqui'? ¿Te jahuay nipajnya añcuj'me loya'apa lapimaye nopalaipá ipaijma lataiqui'? Ai. Ituca' ituca' mi'hua lañmane, ituca' ituca' lañpicuejma' lalapi'iponga'. ³¹ Imanc' toñpo'noñe loñpicuejma', toñsahue'eñe ËanDios tepi'tsolhuo' al c'a juaiconapa.

Itsiya camuc'i'molhuo' te ts'i'ic' añejma' xonca al c'a.

13 Iya cacua: Tama añpalai'me liñtaiqui' lan xanuc' jouc'a liñtaiqui' lapaluc' quema'a, tijouña', ja'ni aimañehualeyi capic'a, iñe lañpalaipa ailopa'a quipenic'. Tocomma ma le'a luna'anga' to latengoñyi latejma' o latsajnyi loquej latehuaijma'. ² Ja'ni ninc'iprofeta, lu'iyaleyi lañmiponga' ËanDios, ja'ni añcueca' xonca lipime litaiqui' ËanDios, ja'ni joupa acueca' i'ipa cañsina', ailopa'a calahue'eponga', ja'ni acueca' añhuaiyijnyi ËanDios, toña'a añcuxe'mola' hijualay, iñniya tiye'me ñu'hua, tijouña', ja'ni aimañehualeyi capic'a, ¿te quipenic' iñiya? Illanc'

a'onañcotonga' to nij naitsi xanuc'. ³ Ja'ni jahuay ñañhuexi lapi'i'mola' titetsole iñe petsi aiqui'ñhueca, ja'ni añcu'moñtsi añte'ñmitsonga' acueca', añma'atsonga', añpi'etsonga' nulemma, tijouña' ja'ni aimañehualeyi capic'a, ¿te quipenic' iñiya? ËanDios aimetenñcocoya lañepa. Ailopa'a calapi'inyaconga'.

⁴ ¿Te ca'eyacu lañejma' ja'ni añehualeñe capic'a? Mañehualeyi capic'a añsnet'i'me juaiconapa jahuay lañe'eyaconga', añpalaic'o'mola' al c'a, aimañeyacola' laic', aimañnescoyacoñtsi al c'a, aimañ— loñeyacoñtsi. ⁵ Aimañeyacu nixpiya, aimañeyacu lalatenñcocoyaconga' illanc' cañtuca'. Aimalixtulecoyacu, aimañnujuaisyacu ja'ni a'ijc'a lañeponga'. ⁶ Aimixojya calata ja'ni timenaquila' lapimaye, ñinca tixoj'ma calata ja'ni lañpimaye tihuejcoyi al ñinca cataiqui'. ⁷ Ti'hua añela' capic'a, aimañxojyaconga'. Añhuaiyijm'mola'. Añhuaicotola' ma ti'ñe al c'a. Jahuay lañe'eyaconga' ti'hua añsnet'i'me.

⁸ Ja'ni añela' capic'a, tama itsiya litine o Locuena Quitine ti'hua añe'mola' capic'a. Iñe lañejma' aimijouya. Tijauhuamlaicota quitine toña'a añe'me.

Itsiya litine lam profeta tu'iyaleyi lu'ipola' ËanDios, Locuena Quitine a'i, aimuya'aconayacu toña'a. Itsiya litine lapimaye tipalaiyi ipaijma liñtaiqui', Locuena Quitine a'i, aimipalaiconayacu toña'a. Itsiya tocomma tipa'a lañsina', Locuena Quitine a'i. Aimañnujuaisyacu iñiya. ⁹ Itsiya ma le'a a'onñca lañcueca, ma' a'onñca laluponga' ËanDios, toña'a lu'iyaleyi. ¹⁰ Locuena Quitine a'i.

Jahuay ałsim'me, jahuay lu'i'monga' ÆanDios. Petsi joupa lixhuaita hualca ailopa'a.

¹¹Ti'i'ma ma to iya' la'ipa. Iya' maj na'hua, iħne litiné ma to tixpic'eyi laif'as ca'uhuay ma' anuli caxpic'e iya'. Tołta'a laipicuejma', litaiqui'. Lijoupa lałtojp'a aicainihuequi iħe lai'ejma' ma na'hua. ¹²Itsiya afule małcuejyi. Tocomma to lahuelojnyi anuli lahuejma' catejma', iħe lalahuelojmpa tocomma to cua naitis ipunxahua. Afule qui'huáqui. Locuena Quitine a'i. Ałsim'me acuajmaica. Itsiya ma' a'onłca ałsina', ma' a'onłca ałcuc'eyi. Locuena Quitine a'i. Ma to ÆanDios limetsaiconga' itsiya, ma tołta'a limetsaico'me ÆanDios.

¹³Linca itsiya y tijauhuamlaicota litine, ti'hua ał'huaiyijm'me ÆanDios, ti'hua ał'huaico'me al c'a, ti'hua ał'ela' capic'a lałpimaye jouc'a ÆanDios. Tama jahuay iħe lai'ejma' aimijouya, tetenłcocojma ÆanDios, iħe mał'ehualeyi capic'a xonca tetenłcocojma, ÆanDios tixina iħe xonca al c'a.

14 Tołpo'nołe lołpicuejma' tonł'etsola' capic'a lołpimaye. Jouc'a tołsahue'ełe cal Espíritu Santo tepi'itsolhuo' cołmane cołpicuejma'. Xonca tołjanajle, tołsahue'ełe ti'etsolhuo' profeta, tepi'itsolhuo' lołpicuejma' tolu'itsola' lapimaye lataiqui' lomiyacolhuo' ÆanDios. ²Æapima nopalaipa ipaijma litaiqui', iħe lapi'ipa cal Espíritu Santo a'i ma quitaiqui', iħque tipalaic'o'ma ÆanDios. Lan xanuc' aimicuec'e'me. Cal Espíritu Santo ticuxe lipicuejma', iħne pe noquimf'epá

aimi'iya muhualqueyacu lonespa, aimuhualqueyacu loya'apa. ³Æapima ja'ni aprofeta, iħque tipalaic'ola' lan xanuc', xonca tifa'ela' liłpicuejma', tixc'ai'ila', tixoc'ila' quileta. ⁴Æapima nopalaipa ipaijma litaiqui' xonca tifa'eyoxi quituca' lipicuejma'. Cal profeta lopalaipa xonca tifa'ela' liłpicuejma' lipimaye, jahuay iħniya nafałumma.

⁵Camilhuo': Ja'ni jahuay imanc' ipaijma ipaijma lołtaiqui' tołpalai'me, ĩnca tixoj'ma neta iya'. Xonca tixoj'ma neta ja'ni coła' jahuay unc'iprofeta. Æapima nopalaipa ipaijma litaiqui', iħe lepi'ipa cal Espíritu Santo, ja'ni timuc'ila' lapimaye te ts'i'ic' linespa, acueca' al c'a lo'epa, acueca' titoc'ila' lipimaye, tifa'ela' liłpicuejma'. Ja'ni aimi'iya mimuc'iyacola' loya'apa iħe linespa, litaiqui' aimitoc'ila' lipimaye. Xonca acueca' al c'a ti'e'ma cal profeta, lapimaye ticuec'eyi iħque. ⁶Unc'aipimaye, cacuaitis jiłpiya, ja'ni capalay pangay ipaijma litaiqui', ĩte ja'ni catoc'i'molhuo'? A'i. Ticuicomma cu'itsolhuo' lałmuc'ipa ÆanDios, o cu'itolhuo' laixina', o cu'itolhuo' lałmipa ÆanDios, o camuc'itolhuo'. Ja'ni tołe ca'etsi, ĩnca catoc'itolhuo'.

⁷Iħiya al pito o al 'arpa, tama aiquiłmaf'i', ja'ni tifus'minłe al pito o tunanłe al 'arpa tocomma to tipalaiyi. Ticuicomma tifus'minłe o tunanłe al c'a. Ja'ni a'i, aimi'iya micuejyacu te loya'apa.

⁸Tijoc'intsola' lan soldado ticuaiyunca tifuleta, ja'ni a'i munanni al c'a al trompeta, ĩte ticuec'e'me lan soldado? A'i. Aimicuec'eyacu. ⁹Jouc'a imanc', ja'ni

tołpalaiyi ipaijma lołtaiqui' iłne noquimf'epolhuo' aimi'iyā quĩsina' te ts'i'ic' loluya'apa. Tocomma to tołpalaic'oyoltsi cołtuca', to tołpalaic'oyi łahua' le'a.

¹⁰Linca, fa'a li'a łamats' tipa'a axpe' quĩłtaiqui' lan xanuc'. Anuli anuli tipa'a loya'apa. ¹¹Małpalaic'o'mołtsi ja'ni aicałcuc'eyołtsi, ¿te iya' latentłcoco'ma iłque linespa? O iłque, ¿te tetenłcoco'ma iya' lainespa? A'i, aimałsinc'neyacołtsi. Caxim'ma iłque to aine, iłque ałsim'ma to naine. ¹²Imanc' ma tołta'a lo'ipolhuo' jilpe.

Ja'ni juaiconapa tołjanajyi łocupa cal Espíritu Santo tołsahue'ełe tepi'itsolhuo' cołmane, cołpicuejma' tołtoł'itsola' lołpimaye, tołfa'etsola' liłpicuejma'. ¹³Łapima nopalaic'opa ŁanDios, ja'ni tipalay ipaijma litaiqui' jouc'a tixahue'eła' cal Espíritu Santo tepi'ila' lipicuejma' tu'itsola' lapimaye loya'apa iłe lonespa.

¹⁴Iya' ma capalaic'o ŁanDios ipaijma litaiqui' lalapi'ipa cal Espíritu Santo, linca tama jilpe łainunxajma' aixina' capalaic'o ŁanDios aicaixina' loya'apa laifnespa, tołta'a aicatoc'ila' laipimaye. ¹⁵¿Te caif'eya? Capalaic'o'ma ŁanDios ipaijma litaiqui', ma to małcuxe cal Espíritu Santo, jouc'a cu'i'mola' laipimaye loya'apa iłe laipalaic'opa ŁanDios. Cunac'co'ma ŁanDios ipaijma litaiqui', ma to małcuxe cal Espíritu Santo, jouc'a cu'i'mola' laipimaye loya'apa iłe lainunac'copa ŁanDios.

¹⁶Ima', mox'najtsi'i ŁanDios ja'ni ma le'a ipaijma lotaiqui', ¿te co'eya

cal xans noquimf'epa, iłque pe aimihuequi? Aimecuc'eya lofnespa. ¿Te co'iya minesya: “Amén, tołe ti'ila'”? A'i, aimi'iyā. ¹⁷Ima' linca juaiconapa ac'a ox'najtsi'ipa ŁanDios. Łopima ipanemma ma to mipa'a. Aicofa'e lipicuejma'.

¹⁸Cax'najtsi'i ŁanDios iya' culiquilhuo' imanc'. Capalay xonca ipaijma litaiqui'. ¹⁹¿Te co'iya? ¿Te ja'ni capalai'ma pangay ipaijma łaitaiqui' jilpe lalafot'leyopołtsi anuli laipimaye? A'i. Tama nipajnya capalaıta' imbamaj mil łataıqui', iłe ipaijma łaitaiqui', xonca aipic'a capalaıta' ma le'a amaquej łataıqui' ma le'a lałtaiqui'. Tołta'a ałcuc'e'ema lapimaye, camuc'ila'.

²⁰Unc'aipimaye, aimonlihuej'me liłejma' la'uhuyā. Iłne aiquicuaiya quĩłpicuejma'. Linca ma to mi'eyi lan tsocay, iłne pe aimihuejyi lixcay, imanc' jouc'a ti'ila' tołta'a lołejma'. Tołnujuaitsa tipa'a lołpicuejma', tołspic'ełe al c'a. ²¹Petsi liniłijmpa loya'apa locuxepa ŁanDios ticua:

ŁanDios tuya'e: “Iłne petsi aimepenufyi laifmuc'ipola', cumme'e'mola' lan xanuc' ocuena quĩłraza, ituca' quĩłtaiqui', iłniya tu'innola' laifnuya'apa.

Tijoułta', tama tiquimf'e'me ma' anuli tuyalaico'me, aimihuejyacu.”

²²ŁanDios ipic'a timujla' nulemma naitsi iłne aimi'huaiyijnyi. Tołta'a ummepola' nopalaıpá ipaijma liłtaiqui'. Lummepola' a'i mimujyacu naitsi iłne no'huaiyijmpá. Lam profeta, iłne linca timuc'iyaleyı no'huaiyijmpá, a'i petsi aimi'huaiyijnyi.

²³Itsiya, ¿te co'iyá? Cagua: Petsi lolafot'lepótsi anuli, jahuay tołpalaiyi ipaijma ipaijma lołtaiqui', iłe lepi'ipolhuo' cal Espíritu Santo, tijouła' titsufłaiıe iłne petsi aimicuec'eyi iłe loł'ejma' o petsi aimihuejcoyi ŁanDios, ¿te cocuayacu? Tines'me: "İne ma' amac'ta". ²⁴Ituca' lo'iyá ja'ni jahuay imanc' toluya'ayi iłe lu'ipolhuo' ŁanDios. Titsufłaiı' anuli pe aimihuejma ŁanDios, o aimihuequilhuo' imanc' lonł'ejma', iłque tiquimf'e'molhuo' anuli anuli imanc' lołnespa. Lołtaiqui' titsufłaiı'ma lipicuejma' iłque cal xans. Tołta'a tixhuj'menahuo, ti'i'ma quixina' te ts'i'c' li'ejma'. ²⁵Lemiya jilpe łunxajma' ti'huájta. Tijouła' texc'onłquehuo tixpats'huaita łamats', tix'najtsi'i'ma ŁanDios, tuya'e: "Łinca ma fa'a tipa'a ŁanDios".

²⁶Itsiya, cunc'aipimaye, ¿te co'iyá? Jilpe molafot'leyołtsi, jahuay imanc' anuli anuli tipa'a lołpalaiyacu. Anuli tunac'co'ma ŁanDios, łocuena tipa'a lomuc'iyacola' lapimaye, łocuena tu'i'mola' lapimaye te ts'i'ic' iłe lu'ipa ŁanDios, łocuena tipalaiı'ma ipaijma litaiqui', iłe lepi'ipa cal Espíritu Santo, łocuena tipa'a lipicuejma' tuhuał'ma iłe lipaijma lataiqui', tuya'a'ma te loya'apa. Ne', jahuay iłna'a ti'i'ma tonł'e'me ja'ni tołta'a tołtoc'i'mola' lołpimaye, ja'ni tołfa'e'mola' iłniya liłpicuejma'.

²⁷Ja'ni tołpalaiı'me ipaijma lołtaiqui', iłe lepi'ipolhuo' cal Espíritu Santo, tołpalaiıe oquexi' afantsi le'a, xonca a'i. Anuli anuli tołpalaiı'me. Tijouła' anuli łapima

tu'i'mola' lapimaye te loya'apa iłe lipaijma lataiqui'. ²⁸Jilpe, ja'ni ailopa'a anuli no'iyalepa tołta'a, aimołpalaiyacu ipaijma lołtaiqui'. Ma jilpe lołpicuejma' tołpalaiı'co'me ŁanDios.

²⁹Jouc'a lam profeta, tipalaiı'me oquexi' afantsi le'a, xonca a'i. Locuenaye lapimaye noquimf'epá tixpif'me, ti'ıla' quıłsina' ja'ni itaiqui' ŁanDios o a'i. ³⁰Mipalaic'olhuo' łapima ja'ni aprofeta, ja'ni ŁanDios tu'ıla' o timuc'ıla' łocuena capima nocutsuya jilpe, iłque nopalaic'opolhuo' ti-ch'ıxc'o'ma. Tipalaic'otsolhuo' łocuena capima, tu'itsolhuo' lu'ipa ŁanDios. ³¹Tołta'a jahuay lapimaye tolihuic'i'me, jahuay tixpai'i'mola' cunlata.

Imanc' unc'iprofeta nipajnya tołcuxe'mołtsi al c'a, tołpalaiı'me anuli anuli. A'i jahuay mołpaloiı'me. ³²Łapima ja'ni aprofeta ti'hua limane ticuxe'moxi. Ti'i'ma tixpic'e'ma ja'ni tipalaiı'a o ja'ni aimipalaiya. ³³ŁalanDios aimal'eyaconga' lahuoc'aitsołtsi. İłque ałpac'e'enga' łapicuejma'. Ja'ni imanc', ja'ni ocuenaye lapimaye, ni petsi lolafot'lepótsi tołta'a li'ejma' ŁanDios.

³⁴Molafot'leyołtsi anuli aimipalaiı'me lacał'no'. Aimi'onlıco'mołtsi to lan xanuc'. Tihuejcoıe. Pe liniliya locuxepa ŁanDios tołta'a tuya'e'. ³⁵İne łapimaye cacał'no', ja'ni jilpe hılejut'lı małpiya ti'i'ma ticuis'eta liłpe'aillı. Pe lolafot'lepótsi aimipalaiı'me lacał'no'. İe a'ıjc'a, aimetenłma. ³⁶Imanc' unc'iCorinto, aimolihuejcola' locuenaye łapimaye lił'ejma'. ¿Te ma imanc'

cołtuca' tołcuxe'mołtsi? ¿Te imanc' unc'apoujnalá litaiqui' ÑanDios? ¿Te jilpe quipangoyopa? ¿Te ma le'a imanc' olapenufpá ite litaiqui'? ¿Te ma le'a icuaita jilpiya?

³⁷ Ñapima nonespa: “Iya' ninprofeta”, o “Iya' linca acueca' lalapi'ipa cal Espíritu Santo”, timetsaicoła' naiti lalapi'ipa iya' ite litaiqui' lainini'epolhuo' jifa'a. He a'i caitaiqui', ma litaiqui' ñaPoujna Cristo, tołta'a ticuxe itque. ³⁸ Ja'ni aimimetsaicojma tołta'a itque jouc'a aimimetsaicom'me.

³⁹ Unc'aipimaye, camiconalhuo' lonñeyacu. Tołjanajle juaiconapa ti'itsolhuo' to lam profeta. Lapimaye nopalaipá ipaijma liñtaiqui', ne', tipalaite, aimołcuanac'e'mola'.

⁴⁰ Jilpiya lonlafot'leyołtsi tonñełe ma latenłcocoya ÑanDios, tołcuxetsołtsi al c'a.

15 Unc'aipimaye, itsiya cu'icona'molhuo' te ts'i'ic' loya'apa Lataiqui', małe Lataiqui' lainu'ipolhuo'. He Lataiqui' joupa lolapenufpa, małe lonlihuequi. ² Ja'ni tolihuejle Lataiqui' lainu'ipolhuo' małe Lataiqui' tunñu'elhuo'. Ja'ni aimunñu'eyacolhuo' coła' aicolapenufi Lataiqui'.

³ Laipangopa lainuya'apa jilpe, ate'a nu'ipolhuo' Lataiqui' lainepenufpa, lu'ipa ñaPoujna. Aimipolhuo': “Cristo icupoxi tima'anle, tołta'a liñonc'e'eponga' lałjunac'. Al Paxi Liniñingiya joupa uya'apa tołta'a lo'iya. ⁴ Lijoupa limanapa, eminnapá. Al fane' quitine imaf'inapa. Al Paxi Liniñingiya jouc'a tuya'e' tołta'a.

⁵ Imuj'moxi imaf'i. Pedro ixim'ma.

Lijou'ma ixim'me locuenaye liyejmalepá Cristo. ⁶ Lijou'ma mefot'leyołtsi to amaquej maxnu lapimaye itne jouc'a ixim'me. Hualca itniya itsiya ailomana' fa'a li'a ñamats', joupa imanapola'. Axpela' ti'hua ts'iñmaf'i. ⁷ Lijou'ma Jacobo ixim'ma. Lijou'ma ixim'me jahuay lan apóstole.”

⁸⁻⁹ Ijouco'ma iya' aixim'ma, imuj'moxi pe laifpa'a. Litine lixim'me locuenaye ailopa'a al ts'e laipitine iya'. Tocomma afule caipajnconna. Iya' aica'onñicoyacoxi to locuenaye lan apóstole. Itniya xonca ac'a xanuc'. Iya' caxinyoxi xonca ninaiti xans. Iya' caituca' aicainepi'iyoxi itta'a laipenic'. Caxinyoxi a'ijc'a laipicuejma', nihuetsopola' lixanuc' ÑanDios lefot'lepola'. ¹⁰ Linca, itsiya ituca' lai'ejma'. Tołta'a li'epa ÑanDios, itque ałpai'ipa iya' laipicuejma', ałtoc'ipa juaiconapa. Tołiya nulijpola' locuenaye lan apóstole. Xonca ai'epa canic'. Cax'najtsi'i ÑanDios, itque ałtoc'ipa. Linca a'i iya' caituca' ai'epa tołta'a, acueca' ałtoc'ipa ÑanDios. Tołiya ite lanic' lai'epa tocomma to ma li'epa ÑanDios. ¹¹ Ja'ni iya', ja'ni locuenaye lan apóstole, ma' anuli Lataiqui' laluya'apa. Małe Lataiqui' lolapenufpa imanc'.

¹² Illanc', ja'ni luya'ayi: “Cristo imaf'inapa, ipayomma pe lomana' limanapola’”, hualca imanc' ¿te coñescopa: “Aimimaf'inayacu limanapola’”? ¹³ Iya' camilhuo': Ja'ni limanapola' aimimaf'inayacu jouc'a Cristo aiquimaf'inghua. ¹⁴ Ja'ni Cristo aiquimaf'inghua, illanc' coła' ma le'a ałpalaiyi, Lataiqui'

laluya'apa ailopa'a quipenic'. Ma' anuli, tama o'huaiyijmpá Jesucristo, itque ja'ni co'a' timanghua aimi'iya mitoc'iyacolhuo'.

¹⁵Joupa lu'ipolhuo': "To'e, to'e li'epa Ñandios, itque imaf'i'ina'pa Cristo". Ja'ni co'a' Ñandios aimimaf'i'iyacola' limanapola' jouc'a Cristo aiqumaf'i'inghua. Illanc' nañespa li'epa Ñandios co'a' a'ij hınca. Ma le'a a'fel'mipolhuo'. ¹⁶Linca ja'ni limanapola' aimimaf'i'inyacola', Cristo a'i quimaf'i'inghua. ¹⁷Ja'ni Cristo aiqumaf'i'inghua lo'junac' aiqiu'longe. Tama o'huaiyijmpá Cristo, ja'ni timanghua, itque aimi'iya mitoc'iyacolhuo'. ¹⁸Jouc'a la'pimaye limanapola', tama i'huaiyijmpá Cristo itne joupa ejac'pola'. To'ta'a li'ipola' ja'ni aiqumaf'inghua Cristo. ¹⁹Jouc'a illanc', itsiya ma'huaiyijnyi Cristo a'telcoyi. Ticuaitsi Locuena Quitine, ja'ni aimaluyalaico'me xonca al c'a, ¿te ca'huaiyijncopa Cristo? Linca ja'ni aimalmaf'iyacu xonca ninc'icuanuc'la.

²⁰Linca, joupa imaf'ina'pa Cristo. Ticuaihuo litine Ñandios tefot'le'mola' limanapola', timaf'i'ina'mola' itniya. Cristo i'ipa cal te'a itniya. ²¹Li'ipa anuli cal xans aiqihuejma Ñandios, to'ta'a lamaya i'huajcopa. To'tiya ma' anuli i'huajcopola' lamaya jahuay lan xanuc'. Locuena cal xans ihuejcopa Ñandios, to'tiya tama a'ama'monga' a'maf'i'ina'monga'. ²²Itque cal xans Adán ixingufcopa lamaya, ma' anuli jahuay lan xanuc' tixingufcoyi to'ta'a. Cristo, itque jouc'a i'epoxi xans, imaf'i'ina'pa Ñandios, ma' anuli timaf'i'ina'mola' jahuay.

²³Linca, a'ij nuli lo'iyacola' itne nomaf'i'inyacola'. Cristo joupa imaf'i'ina'pa, itque cal te'a petsi itne lafot'leyacola' Ñandios. Tijou'la' ticuaicoconno Cristo timaf'ina'me lixanuc'. ²⁴Tijou'la' tixhuaitsi jahuay, Cristo ticu'moxi limane, timi'ma Ñandios qui'Ailli': "Ma' ima' tocuxela'".

Ate'a ti'lonc'ena'mola' li'mane jahuay lan rey, jahuay lincuxepá, jahuay no'huapá li'mane ni petsi lomana'. ²⁵Cristo ti'hua ticuxe'ma ma mi'of'eyo'ltsi no'epaj laic'. Jahuay itniya ti'oc'enam'mola'. ²⁶Tijou'la' ti'lonc'e'enatsola' li'mane jahuay itne no'epaj laic', ma le'a tipanehuo lamaya. It jouc'a ti'lonc'e'ena'ma limane.

²⁷To'ta'a tuya'e' al Paxi Lini'ingiya, ticua: "T'oc'ena'pola' jahuay no'epaj laic'". It lataiqui' loya'apa "... jahuay i'oc'ena'pola'", hınca aiminescojma Ñandios. Ma'que Ñandios ixpic'epa ti'ila' to'ta'a, ti'oc'em'me jahuay, tihuejco'me Cristo. ²⁸Ticuaitsi litine ti'oc'en'le jahuay, tihuejco'me Cristo, ma'que Cristo hi'Hua Ñandios ti'oc'ena'moxi. Qui'Ailli' Ñandios joupa ixpic'epa jahuay tihuejco'e Cristo. Ti'oc'ena'moxi Cristo, ma Ñandios ticuxe'ma, jahuay tihuejco'me.

²⁹Iya' cacua: Ja'ni aimimaf'iyacu limanapola', ¿te quepo'icompola' itne napo'impola' muya'ayi li'puftine li'pimaye limanapola'? Ja'ni itne imanapola' nulemma, ¿te quipenic' ite lo'epa li'pimaye ts'itmaf'i'? ¿Te quepo'icompola' muya'ayi li'puftine itne li'pimaye limanapola'? ¿Te qitalai'ecopa to'ta'a Ñandios?

³⁰Iya' jouc'a lafejmale itine itine ahtetcoyi, alcuayi: ¿Te xonca cal'iyaconga'? Ja'ni aimahmaf'inayacu, ¿te calsnat'icopa tohta'a? ³¹Itine itine tocomma to ahma'ma, alma'a'ma. Cacua: Ma' al linca ite laifnespa. Iya' tixoquei neta capalaicolhuo' imanc' unc'aipimaye lo'huaiyijmpa Jesucristo. Tohta'a aimi'ya cafel'miyacolhuo'. ³²Ja'ni aimimaf'iyacu limanapola', ¿te capanehuo fa'a li'ya' Efeso ma'fulecoyo'ltsi itne ti'on'cospola' to oyac'la quinneja? Ai. Najmay cuyaico'la' lapajnya to i'niya nonespá: “Aga mouqui a'mana'monga'. Itsiya, ma ma'mana', ahtetso'le, a'snate al c'a.”

³³Imanc' aimofel'mi'mo'ltsi. Tolanahtso'ltsi itne nonespá: “Limanapola' aimimaf'iyacu”. Al linca lataiqui' lonespa: “Lan c'a xanuc' ja'ni tiyejmale'le lixcay xanuc', jouc'a ti'i'mola' ixcay xanuc'”. ³⁴To'suej'menca. To'pai'ite lo'fejma'. Aimo'e'cona'me ite pe aimeten'ma EanDios. Ji'pe timana' i'niya pe aimimetsaicoyi EanDios. ¿Te aimo'ltaiyi calaic'ata mimana' to'niya?

³⁵Aga tipa'a anuli nonesya: “¿Te co'ya mimaf'inayacu limanapola'? ¿Te co'ya micuaiconayacu? ¿Te co'ya li'cuerpo? Joupa ihuet'ipa.”

³⁶Catalai'e'ma, cami'ma: “Ima' ailopa'a copicuejma'”. Cal fanu' hifampa ate'a tihuet'iqui, tijou'la' tilamma imaf'i'. ³⁷I'que cal fanu' hifampa aimi'on'ltspa to laifa' lolapa. Ma le'a afanu', ja'ni atrigo o ocuena fanu'. Lolapa ituca' lixans. ³⁸Ma EanDios ti'e'e tila'la' cal fanu', jouc'a tixpic'e te ts'ic' lixans. Anuli anuli

cal fanu' tila'la' ituca' ituca' lixans laifa' lolapa. Tohta'a lo'iyacola' limanapola' nomaf'inayacu.

³⁹Fa'a li'a lamats' li'poxic' lan xanuc', li'poxic' linneja, li'poxic' laca'hu'i, li'poxic' latuye, ituca' ituca' itna'a. ⁴⁰Ma'mana' fa'a li'a lamats' tipa'a la'cuerpo. Pu'hua locuenaj quitine jouc'a ti'ita a'cuerpo. La'cuerpo mipa'a fa'a li'a lamats' aimi'on'lya pu'hua locuenaj quitine. ⁴¹Cal 'ora, cal mut'la, lan xamna, aimi'on'ltspola'. Ituca' ituca' li'lsans, li'pelpalc'o'. Lan xamna aimi'on'ltspola'. Axamna axamna ituca' ituca'.

⁴²Tohta'a lo'iyacola' limanapola'. Litine leminni ji'pe lamats' i'que hmanapa ti'hua tihuet'iqui. Litine timaf'i'in'la' ti'i'ma ituca'. Aimihuet'conaya. ⁴³Litine leminni tocomma to ninaitsi cuerpo. Litine timaf'ina'la' tipai'im'me, ti'hu'ajta ac'a juaiconapa. Litine leminni ailopa'a co'eya. Aim'i'ya. Litine timaf'i'ina'le ti'i'ma acueca' ipujfxi, acueca' ti'e'ma. ⁴⁴Teminni i'que licuerpo lepi'ipa qui'ailli', i'que jouc'a axans. Ituca' licuerpo timaf'i'ina'ma, ite lapi'ya EanDios. Tipa'a la'cuerpo lalapi'iponga' la'ailli', tipa'a la'cuerpo lalapi'yaconga' EanDios.

⁴⁵Al Paxi Linikingiya tipalajma Adán, i'que copa'a cal te'a cal xans. Ticua: EanDios epi'ipa lipitine, “... tohta'a i'ipa imaf'i'”. Ituca' li'ipa i'que tecui'impa Eijoujma Adán. I'que ai'a tipajnta ailopa'a quicuerpo, ma tipa'a lipitine. Ma'que lapi'inga' la'pitine. ⁴⁶Jifa'a li'a lamats', ¿naitsi h'cuai'ma cal te'a? ¿I'que nalapi'iponga' la'pitine?

A'i. Ate'a tipa'a fa'a itque łepi'ipa lipitine ŁanDios, lijou'ma icuai'ma itque nalapi'iponga' lałpitine. ⁴⁷Itque Adán copa'a cal xans cal te'a, ŁanDios ilanc'epa fa'a li'a łamats'. Ma' amats' ilanc'ecopa. Locuenaj cal xans, itque ałPoujna, qui'huayomma lema'a. ⁴⁸Małmana' fa'a li'a łamats' ałonłcosponga' to Adán, itque cal te'a łatatahuelo, łilanc'ecompa amats'. Locuenaj quitine, illanc' ja'ni ixanuc' itque Łi'huayomma lema'a, ma' anuli ałonłcotonga'. ⁴⁹Małmana' fa'a li'a łamats' lałsans ma' anuli Adán, itque łilanc'ecompa amats'. Locuenaj quitine lałsans ti'i'ma ma' anuli to lixans itque Łi'huayomma lema'a.

⁵⁰Unc'aipimaye, iya' camilhuo': Ałcuaitsa locuenaj quitine ticuicomma ti'itsi ituca' lałcuerpo. Ma to małmana' aimi'iya małtsuflaiyacu pe locuxeyopa ŁanDios. Itta'a lałcuerpo tijaf'quinghua, tihuet'łna'ma. ¿Te małta'a ałtsuflaicota petsi ailopa'a mijouya, ailopa'a quihuet'łqui? A'i. Aimi'iya. ⁵¹Cu'i'molhuo' lo'iya. Itta'a lataiqui' laifnu'iyacolhuo' lan xanuc' quiłtuca' aimi'iya quiłsina'.

Ai'a ticuaiyoconno Cristo, tama hualca illanc' ałmana'monga', hualca ałmanecu. Jahuay ałpai'im'monga' lałsans. ⁵²Ite lał'iyaconga', lałpai'iyaconga' aimicołya. Ma le'a to małspot'łmi'me lał'u', mał'huif'ime, joupa ałpai'im'ponga'. Tołta'a lał'iyaconga' munanni al trompeta, ite lijoujma luna'apa. Łınca tunam'me al trompeta, limanapola' timaf'i'inam'mola', aimihuet'łconayacola' liłcuerpo.

Illanc' ja'ni ałmana' ałpai'im'monga' lałsans. ⁵³Itta'a laicuerpo tijaf'quinghua, tihuet'łma, ticuicomma lapi'intsi ocuena caicuerpo, ałpo'no'entsi ite pe aimijouya, aimihuet'łconaya. Itta'a laicuerpo ticuicomma tima'ma. Ipic'a ałpo'no'entsi locuena pe aimimacónaya. ⁵⁴Tijouł'a' ti'it'a' tołta'a, ite litine łınca ti'i'ma ituca' lałcuerpo, aimihuet'łconaya, aimimacónaya. Tołta'a tenan'ma lataiqui' liniłingiya, ticua:

iJoupa lulijpá!

Lamaya joupa ejac'pa,
aimałmacónayaconga'.

⁵⁵Ma' al łınca loya'apa lataiqui' lonespa:

Catalai'e'ma lamaya, cami:
“Limanapola', ¿ja'ni ma tołta'a
tiłmanemma? A'i.

Ima', ¿ja'ni ti'hua
toma'ahualecona'ma? A'i.”

⁵⁶Łınca, mipa'a itta'a lałcuerpo lixingufcopa lixcay lał'epa, ma ti'hua limane lamaya, ałte'łminga', ałma'a'monga'. Aimi'iya małnesyacu: “A'i, aical'aic' quixcay”. Litaiqui' ŁanDios loya'apa locuxepa, ite lataiqui' ałcufquina'. ⁵⁷X'najtse'eya ŁanDios, lałPoujna Jesucristo joupa ulijpa, lamaya aimululijyaconga' nulemma. Illanc' nał'huaiyijmpá ŁanDios jouc'a lulijna'me. Tołta'a lixpice'epa ŁanDios, tołta'a ti'i'ma.

⁵⁸Unc'aicapimaye, ja'ni tołta'a lał'iyaconga', ¿te ts'ic' lał'eyacu itsiya? Cu'i'molhuo': Aimołpai'ime lołpicuejma'. Tolihuejle litaiqui' Jesucristo. Aimołcuanac'e'mołsi. Itine itine tonł'e'me lanic', ite lepi'ipolhuo' lałPoujna, a'ujfxi tonł'e'me tołta'a.

Imanc' no'huaiyijmpá łatPoujna Jesucristo, mon'eyi iŕe lanic' to'nujuaitsa lo'iyacolhuo' locuenaj quitine. Tołta'a tixojma cunlata ton'ŕe me lanic'.

16 Itsiya capalaico'ma al tomí lolafot'leyacu lolumme'eyacola' lołpimaye, iŕne jouc'a i'huexi ŁanDios. Iŕne nomana' liŕya' Jerusalén tehue'ela'. Lapimaye lafołyomma łamats' Galacia joupa ainu'ipola' lo'eyacu. Imanc' ma' anuli ton'ŕe. ²Axamano axamano ticuaitis al te'a quitine, anuli anuli imanc' tolanajle lołtomí. Ja'ni ululijpá acueca' tolanajle acueca'. Ja'ni ululijpá huata, tolanajle huata. Cacuaitsi jilpiya joupa olafot'lepá al tomí. Aimolafot'ŕe me aquite'.

³Cacuaitis, imanc' to'huif'etola' lapimaye titaiŕe iŕe lolapi'iyacola' iŕne lołtoc'icoyacola' jilpe Jerusalén. Iya' capi'itola' quij'e'e. Cummetola'. ⁴Ja'ni ticuicomma ca'huala' jouc'a ałejmaleta anuli lapimaye.

⁵Joupa aixpic'epa cahuejntola' lapimaye nomana' łamats' Macedonia. Tijouł'a' cacuaita pe lołmana' imanc'.

⁶Aicaixina' tojua quitine ałcołta pe lołmana'. Aga capanehuo jilpiya cuyaicota łaxita quitine. Tijouł'a' cuyaita ni petsi. Imanc' lacanumf'eta cane, ałtoc'ita ca'huanał'a' al c'a.

⁷Cacua: Ate'a cuyaicota łamats' Macedonia. Tijouł'a' cacuaita jilpe pe lołmana' imanc' unc'iCorinto. Jilpe a'i ma le'a cuyaicoya. Ja'ni tixpic'ela' ŁanDios ałcołta. ⁸Jifa'la liŕya' Efeso capanehuo tuyaił'a' al juic Pentecostés. Tijouł'a' ca'huata pe lołmana'. ⁹Jifa'a ŁanDios lapi'ipa acueca' canic'. Axpela' ti'huaiyijnyi łatPoujna. Jouc'a timana' axpela' nałepa laic'.

¹⁰Ja'ni jilpiya ticuaitis Timoteo, tolapenufle. Aimołhuos'mi'me.

Ma to ca'ay lanic' lalapi'ipa łatPoujna, iłque Timoteo jouc'a ti'ay.

¹¹Aimolats'ŕe, ni anuli imanc'. Tipanni ti'huanł'a' tolacanumf'entsa cane, ti'huananni pe laifpa'a. Iya' ai'huaijma ticuaiyunca anuli lapimaye.

¹²Apolos aimi'huaya itsiya pe lołmana'. Iya' caxc'ai'i juaiconapa, cami: "To'huala' Corinto. Ton'ŕe anuli lapimaye." Aimecia mi'huaya. Tipa'a litine mi'hua'ma.

¹³Aimołmai'me jilpe lołpicuejma'. Ti'hua tolihuejle Lataiqui'. Aimołpai'i'me lołpicuejma'. Ton'ŕe'e'e acueca' łolunxajma'. ¹⁴Jahuay lon'eyacu to'nujuaitsola' lołpimaye, ja'ni tołta'a tołtoc'i'mola' o a'i.

¹⁵⁻¹⁶Imanc' olimetsaicola' Estéfanos jouc'a lapimaye nomana' lejut'ł. Jilpe łamats' Acaya iŕne ate'a i'huaiyijmpá Jesucristo. Iŕne quiktuca' ixpic'epá titoc'i'me lapimaye, iłniya jouc'a i'huexi ŁanDios. Ticuicomma imanc' tolihuejco'mola' iłniya, jouc'a tolihuejco'mola' jahuay lapimaye no'epá lanic' juaiconapa, iŕe lanic' lalapi'iponga' łatPoujna. Tołta'a caxahue'elhuo' ton'ŕe'e, caxc'ai'ihuo'. ¹⁷Iya' aixhuełcopolhuo' juaiconapa. Itsiya tixoquei neta. Licuaina'me fa'a Estéfanos, Fortunato y Acaico, tocomma to ołcuai'me imanc'. ¹⁸Iŕne liłonc'e'enapa laipixhuejma'. Itsiya aimalsueł'meconayacu iya' imanc'. Imanc' tolimetsaicotsola' iłniya no'epá tołna'a.

¹⁹Lapimaye lafołyomma jifa'a łamats' Asia tinonilhuo'.

Aquila y Priscila jouc'a lapimaye lafołyomma lilejut'ł tixoquei

quileta tinonilhuo'. Ticuayi: “Lan xanuc' nomana' Corinto ałpimaye, ałhuaiyijnyi anuli łałPoujna Jesucristo”.

²⁰Jahuay lapimaye nomana' fa'a tinonilhuo'. Jahuay imanc' tołnontsołtsi. Tołtuc'otsołtsi lołpeque ma to mituc'o'mołtsi lapimaye, ilne i'huexi LanDios.

²¹Iya' ninPablo canonilhuo'. Iłta'a caituca' niniłcopa laimane.

²²Jilpe ja'ni tipa'a anuli pe aimi'ay capic'a łałPoujna Jesucristo, tejac'ente itque cal xans. iMaranatha! Iłta'a lohualquemma:

²³Ti'hua titoc'itsolhuo' jahuay imanc' łałPoujna Jesucristo.

²⁴Ti'ila' cołsina' ca'elhuo' capic'a imanc' unc'aipimaye, ma' anuli ałhuaiyijnyi Jesucristo. Amén. Tołta'a ti'ila'.